

欽定歷代職官表

11

保  
4544  
24



4544  
24止



欽定歷代職官表卷七十

新疆各官表

伊	三代
犁	秦
將	漢 <small>西域都護</small>
軍	後漢 <small>西域都護</small>
	三國
	晉
	宋齊梁陳
	北魏
	北齊
	後周
	隋
	唐 <small>安西大都護 西節度使</small>
	五代
	宋
	遼
	金
	元 <small>色目伯 里行 尚書</small>
	明

職官表卷七十 新疆各官表

廣雅書局





新疆各官

國朝官制

總統伊犁等處將軍一人參贊大臣一人裁設無定領隊大臣五人

印房司官二人筆帖式二人糧餉處司官二人筆帖式一人駝

馬處司官一人筆帖式一人卡倫侍衛十二人

將軍統掌新疆之軍政山北山南皆聽節制參贊大臣參

贊軍務與將軍同駐伊犁領隊大臣分統游牧駐惠寧城

者一駐惠遠城者四

總管六人副總管七人協領十有二人佐領一百有八人防禦

五十有六人驍騎校一百有八人署理營務筆帖式十人

總管分理營務錫伯一副一索倫達呼爾一副一爾二副

二額魯特二副三協領分理滿洲蒙古官兵駐惠寧城  
四駐惠遠城 八佐領惠寧城十六惠遠城十四錫伯八  
索倫達呼爾八察哈爾十六額魯特二十防禦惠寧城十  
六惠遠城四十驍騎校各如其佐領之數署理營務筆帖  
式滿洲蒙古二錫伯二索倫達呼爾二察哈爾二額魯特  
二俱經制之缺由伊犁所屬諸旗揀補又有領催委署前  
鋒校或給七品頂帶或給六品頂帶在卡倫侍衛上行走  
者舊無定額

總理回務頭等台吉三品阿奇木伯克一人四品伊什罕伯克  
一人五品噶布納齊伯克二人五品商伯克二人六品哈子伯  
克一人六品都官伯克一人七品密喇布伯克六人七品明伯  
克六人七品什和勒伯克一人七品帕察沙布伯克一人七品

玉資伯克一人

阿奇木伯克總理回務伊什罕伯克副之噶布納齊伯克  
掌理田賦商伯克掌征輸哈子伯克掌詞訟都官伯克掌  
遞送兵馬糧餉文卷一切官物及分攢差務密喇布伯克  
掌水利明伯克掌千戶之徵輸一切雜務什和勒伯克掌  
驛館薪芻諸務帕察沙布伯克掌巡緝牢獄諸務玉資伯  
克掌伯戶之徵輸一切雜務

烏魯木齊都統一 人副都統一 人

掌烏魯木齊之軍政滿洲綠旗官兵皆屬焉舊惟設安西  
提標綠旗五營乾隆三十六年始以滿洲兵駐防設參贊

職官表卷七十  
大臣一人三十八年又設領隊大臣二人四十二年始定為今制

協領六人佐領二十有四人防禦二十有四人驍騎校二十有四人九品筆帖式二人卡倫侍衛三人

乾隆三十七年設管理額魯特官兵總管一人副總管一人佐領四人驍騎校四人四十二年移駐塔爾巴哈台又有管理臺站屯政廠務各員或由陝西甘肅三省除派或由伊犁調撥無定額

庫爾喀喇烏蘇領隊大臣一人

舊以侍衛駐劄屬於烏魯木齊不得自奏事其文移亦由烏魯木齊轉行不給印信乾隆三十五年始請給印信仍

屬烏魯木齊三十一年始定為今制

管理糧餉官一人

又有管理臺站屯政文武各員或由陝西甘肅二省除派或由伊犁烏魯木齊調撥無常員

塔爾巴哈台參贊大臣一人領隊大臣一人一管四營一管額魯特

乾隆三十年設初駐雅爾後移駐今治

總管一人副總管一人佐領八人驍騎校八人卡倫侍衛十二人印房章京三人筆帖式三人管理糧餉官一人

總管舊駐烏魯木齊乾隆四十二年移駐

巴里坤領隊大臣一人協領二人佐領八人防禦八人驍騎校八人印房筆帖式一人

職官表卷七十一  
乾隆三十七年原設參贊大臣一人領隊大臣一人協領  
四人佐領防禦驍騎校各十六人筆帖式二人後改參贊  
大臣為領隊大臣而以領隊大臣一人移駐古城協領以  
下等官亦分其半隨駐

古城領隊大臣一人協領二人佐領八人防禦八人驍騎校八  
人印房筆帖式一人

並乾隆三十九年自巴里坤移駐

謹案巴里坤今為鎮西府治已列在郡縣且原隸版圖  
不在新疆之數以其為新疆北路之門戶而分置駐防  
亦與新疆一例故以領隊大臣列新疆表中至其文武  
諸官則各見本門茲不復載

總理烏什等處參贊大臣一人協理大臣一人  
裁設阿克蘇領  
隊大臣一人

掌烏什之政令兼統賽喇木拜城其阿克蘇一城舊別設  
辦事大臣乾隆三十一年亦併隸烏什而裁舊設副都統  
一人改設參贊大臣以阿克蘇大臣移駐其領隊大臣則  
自喀什噶爾移駐

印房章京二人筆帖式三人管理糧餉官一人

印房章京乾隆三十一年設筆帖式舊設一員乾隆二十  
一年增二員管理糧餉官舊調用陝甘三省典史一員亦  
乾隆三十一年改用部員其換防屯田等官由陝甘二省  
自副將以下除派舊無常員



協領一人佐領二人防禦二人驍騎校二人護送伯克侍衛一人  
卡倫侍衛十有一人軍臺委署筆帖式十人

佐領防禦驍騎校俱乾隆三十一年由烏魯木齊巴里坤  
調撥移駐卡倫侍衛則舊所設也

管理回民五品阿奇木伯克一人六品哈子伯克一人七品明  
伯克一人七品密喇布伯克一人分理阿克蘇三品阿奇木伯  
克一人四品伊什罕克伯一人五品噶市納齊伯克一人五品  
商伯克一人六品哈子伯克一人六品巴濟吉爾伯克一人六  
品伯克二人七品訥克布伯克一人七品都官伯克三人七品  
莫提色布伯克一人七品木特幹里伯克一人七品明伯克二  
人七品阿爾巴布伯克一人七品帕察沙布伯克一人七品什

和勒伯克二人七品伯克三人分理阿克蘇所屬六品阿奇木  
伯克一人喀勒喀勒六品阿奇木伯克一人七品哈子伯克一  
人七品密喇布伯克一人七品明伯克二人雅爾巴什七品密  
喇布伯克一人七品明伯克一人庫車巴什七品密喇布伯克  
一人七品明伯克一人阿克雅爾七品密喇布伯克一人七品  
明伯克一人哈喇塔勒七品密喇布伯克一人七品明伯克一  
人哈爾噶額密什七品密喇布伯克一人雅爾賽喇木七品明  
伯克一人愛庫爾七品密喇布伯克一人英額阿里克七品明  
伯克一人赫色勒七品明伯克一人分理賽哩木三品阿奇木  
伯克一人四品伊什罕伯克一人五品噶市納齊伯克一人六  
品哈子伯克一人七品密喇布伯克一人七品明伯克一人分

理拜城四品阿奇木伯克一人五品伊什罕伯克一人六品噶  
布納齊伯克一人七品密喇布伯克一人七品哈子伯克一人  
七品明伯克一人

巴濟吉爾伯克掌稅務訥克布伯克掌營建莫提色布伯  
克掌回眾之教法不與政事木特幹里伯克掌售授田產  
與其稅務阿爾巴布伯克掌差役六品伯克掌修壩管臺  
七品伯克掌採銅餘伯克與伊犁同名者其所掌並同

謹案此皆乾隆三十年平定逆回後重定之制與初制  
稍有異同今不具載

葉爾羌辦事大臣一人協辦大臣一人

乾隆二十六年設領隊大臣二人尋省以協辦大臣兼理

領隊事務

印房章京二人筆帖式三人委署筆帖式二十人管理糧餉官  
一人佐領二人驍騎校二人聽差坐卡侍衛十有三人

佐領驍騎校並乾隆三十六年設由伊犁烏魯木齊等處  
調撥侍衛乾隆二十六年設初定十五員後減二員

管理回民三品阿奇木伯克一人四品伊什罕伯克一人四品  
商伯克一人五品密喇布伯克一人五品訥克布伯克一人五  
品木特幹里伯克一人五品哈喇都官伯克一人五品帕察沙  
布伯克一人五品哈子伯克一人六品巴濟吉爾伯克一人六  
品明伯克一人六品都官伯克一人六品莫提色布伯克一人  
六品什和勒伯克一人六品布梯墨克塔布伯克一人六品

巴黑瑪塔爾伯克一人六品哲博伯克一人六品阿爾巴布伯  
克二人六品賽特里伯克一人分理托古斯哈特五品阿奇木  
伯克一人六品哈子伯克一人六品明伯克一人分理英額齊  
盤五品阿奇木伯克一人六品密喇布伯克一人六品明伯克  
一人分理哈爾噶里克五品阿奇木伯克一人六品哈子伯克  
一人六品密喇布伯克一人六品明伯克一人分理和什阿喇  
布五品阿奇木伯克一人分理伯什恰特五品密喇布伯克一  
人分理薩納珠五品阿奇木伯克一人分理舒帖五品密喇布  
伯克一人六品明伯克一人分理裕勒阿里克六品阿奇木伯  
克一人分理色哩克郭勒五品阿奇木伯克一人六品伊什罕  
伯克一人六品商伯克一人六品哈子伯克一人六品阿爾巴  
布伯克一人七品什和勒伯克一人七品巴市爾伯克一人分  
理巴爾楚克六品阿奇木伯克一人分理塔克布依六品阿奇  
木伯克一人分理坡斯恰木六品哈子伯克一人分理阿喇巴  
特齊六品密喇布伯克一人分理鄂滿楚魯克六品密喇布伯  
克一人

市布梯墨克他布伯克掌教習經館巴克瑪塔爾伯克掌  
果園哲博伯克掌修造甲械賽特里伯克掌巡察街道園  
林果木諸務巴市爾伯克掌市肆細務餘與伊犁諸處同  
名者所掌並同

和闐辦事大臣二人委署筆帖式二人  
管理回民三品阿奇木伯克一人四品伊什罕伯克一人五品

喀什伯克一人五品木特幹里伯克一人六品哈喇都官伯克  
 一人七品訥克布伯克一人七品莫提色布伯克一人七品木  
 特幹里伯克一人七品都官伯克一人七品哈喇都官伯克一  
 人七品什和勒伯克一人分理額勒齊五品噶而納齊伯克一  
 人六品哈子伯克一人七品帕察沙布伯克一人七品明伯克  
 一人分理額勒齊屬境七品密喇布伯克一人七品明伯克三  
 人分理玉隴喀什四品阿奇木伯克一人五品商伯克一人六  
 品哈子伯克一人分理玉隴喀什屬境七品密喇布伯克二人  
 七品明伯克二人分理哈喇喀什四品阿奇木伯克一人五品  
 商伯克一人六品哈子伯克一人七品帕察沙布伯克一人七  
 品都官伯克一人分理哈喇喀什屬境七品密喇布伯克三人  
 七品明伯克一人分理齊喇四品阿奇木伯克一人六品哈子  
 伯克一人七品密喇布伯克一人七品明伯克一人分理塔克  
 四品阿奇木伯克一人六品哈子伯克一人分理克勒雅四品  
 阿奇木伯克一人六品哈子伯克一人分理克勒雅屬境七品  
 密喇布伯克一人七品明伯克二人

喀什伯克掌探玉哈喇都官伯克掌安設臺站修整兵械  
 餘與伊犁諸處同名者所掌並同

喀什噶爾辦事大臣一人協辦大臣一人  
 乾隆二十四年設參贊大臣一人總理各回城事務又設  
 領隊大臣一人三十一年移駐烏什改設辦事大臣專司  
 境內之事其協辦大臣則仍二十四年所舊設也

印房章京一人辦理回務章京一人筆帖式一人委署筆帖式  
六人軍臺委署筆帖式一人管理糧餉官一人

印房章京辦理回務章京俱乾隆二十六年設筆帖式二  
十七年設管理糧餉官亦二十六年設又有駐防滿洲領  
隊官無常員

總管一人參領二人防禦一人驍騎校三人聽差守卡侍衛十  
有三人

總管等官俱乾隆二十四年設侍衛乾隆二十六年設初  
十五員三十五年移駐塔爾巴哈台二員

管理回民三品阿奇木伯克一人四品伊什罕伯克一人四品  
噶布納齊伯克一人四品商伯克二人五品哈子伯克一人五

品訥克布伯克一人五品莫提色布伯克一人五品木特幹里  
伯克一人六品巴濟吉爾伯克一人六品明伯克一人六品都  
官伯克一人六品阿爾巴布伯克一人六品帕察沙布伯克一  
人六品克噶雅喇克伯克一人六品什和勒伯克一人六品  
巴克瑪塔爾伯克一人七品明伯克一人分理牌租巴特四品  
阿奇木伯克一人七品明伯克一人分理塔什巴里克四品阿  
奇木伯克一人分理阿斯屯阿喇圖什五品阿奇木伯克一人  
六品哈子伯克一人七品明伯克五人分理玉斯屯阿喇圖什  
六品阿奇木伯克一人六品哈子伯克一人七品明伯克一人  
分理伯什克噶木五品阿奇木伯克一人六品哈子伯克一人  
六品密喇布伯克一人六品明伯克一人分理提斯袞五品密

喇布伯克一人分理阿喇古六品阿奇木伯克一人六品哈子伯克一人分理鄂玻勒六品阿奇木伯克一人分理汗阿里克六品密喇布伯克一人六品哈子伯克一人七品明伯克一人分理霍爾干六品密喇布伯克一人六品明伯克一人分理克色勒布依六品密喇布伯克一人分理塞爾滿六品密喇布伯克一人分理托庫薩克六品密喇布伯克一人分理托普魯克七品明伯克一人分理岳普囉克七品明伯克一人分理英吉沙爾四品阿奇木伯克一人六品哈子伯克一人六品密喇布伯克一人總理英吉沙爾五處卡倫伯克一人英吉沙爾屬賽哩克七品密喇布伯克一人

克埒克雅喇克伯克掌商賈貿易收其稅入餘與伊犁諸

處同名者所掌並同

庫車辦事大臣一人

兼轄沙雅爾乾隆二十四年設

印房章京一人筆帖式二人委署筆帖式三人辦理糧餉官一人

並乾隆三十一年設章京原設二員二十四年裁一員辦理糧餉官乾隆二十四年設二十六六年定以陝甘二省縣丞典史差充

管理回民三品阿奇木伯克一人四品伊什罕伯克一人五品噶市納齊伯克一人五品商伯克一人六品哈伯克一人七品密喇布伯克二人七品訥克布伯克一人七品明伯克一人七

品都官伯克三人七品木特幹里伯克一人七品莫提色布伯  
克一人七品阿爾巴布伯克一人七品帕察沙布伯克一人七  
品採銅伯克一人分理沙雅爾三品阿奇木伯克一人四品伊  
什罕伯克一人五品噶市納齊伯克一人五品商伯克一人六  
品哈子伯克一人七品密喇布伯克一人七品訥克布伯克一  
人七品都官伯克二人七品莫提色布伯克一人七品採銅伯  
克一人

哈喇沙爾辦事大臣一人

印房筆帖式六人管理糧餉官一人

又有管理屯政等官由陝西甘肅二省以參將遊擊除派  
無常員

管理庫爾勒回民三品阿奇木伯克一人四品伊什罕伯克一  
人五品噶市納齊伯克一人五品商伯克一人六品哈子伯克  
一人七品明伯克一人七品訥克布伯克一人七品玉資伯克  
一人六品伯克一人七品伯克一人管理布古爾回民三品阿  
奇木伯克一人四品伊什罕伯克一人五品噶市納齊伯克一  
人五品商伯克一人六品哈子伯克一人七品明伯克一人七  
品訥克布伯克一人七品玉資伯克一人六品伯克一人七品  
伯克一人

自阿奇木伯克至玉資伯克所掌皆與伊犁諸處同其六  
品伯克則專司查臺七品伯克則專司採銅均乾隆三十  
一年設旋因移回戶於庫轍滿裁六品哈子伯克一員增

四品阿奇木伯克一員併移五品噶市納齊伯克一員七品玉資伯克一員前往治之後回戶仍移歸庫爾勒官制亦仍如舊額

吐魯番辦事大臣一人

辦事大臣初駐闕展統綠旗兵三百名乾隆四十二年改定今制移駐吐魯番

參領二人佐領十有五人驍騎校十有五人印房章京一人正八品筆帖式一人委署筆帖式六人

乾隆二十六年設印房筆帖式一員後改設章京二員四十年設委署筆帖式二員其筆帖式一員四十年設委署筆帖式二員十六年初設十三員後裁七員又有聽差各員于內地鎮

營員弁內派撥無定額

總理回務扎薩克郡王一人協理回務圖撒拉克齊二人分駐羅布淖爾五品伯克三人六品伯克七人詳見藩屬哈密辦事大臣二人

掌哈密之屯政與其儲積之數故其印文稱哈密辦理糧餉大臣而地方諸務亦並治焉

印房章京一人驍騎校一人筆帖式六人

總理回眾郡王一人詳見蕃屬

管轄五堡回民屯眾諸務以聽於大臣

謹案吐魯番哈密雖舊有之地以其為新疆南路之門戶故與巴里坤一例均列于新疆之中



歷代建置

謹案西域自漢武帝時始通中國特爲置官領護其後又置都護及戊己校尉屯田車師前王庭當時自譯長城長且渠當戶而上佩漢印綬者三百七十六人然不過虛奉名號而已非能有其土宇設官以治之也建武中西域諸國復遣使內屬光武以天下初定未遑遠馭閉關謝之永平十六年始置宜禾都尉明年復置都護永初以降或設都護或僅設校尉廢置不常唐初西州特置都護府設大都護以領之後復改爲節度使亦聊示羈縻不能制其要領迨宋而靈夏之間方爲敵境遠撫長馭非所與聞遼代起自滑鹽方事南征未尋西顧

僅置夏州蕃落諸使元代勃興始滅西域四十餘國其後又遣將入乞石迷至富郎而還於是西域之地盡歸統攝然大抵以諸王駙馬爲行營統軍以鎮之亦未能郡縣其地比於諸路也迨明而嘉峪設守啟閉不時哈密迤西棄同甌脫河套之議舉國震驚無論陽關以外形勢孱弱蓋不足言也我

皇上御極以來德威遠播聲教遐通薄海内外悉主悉臣近者蕩平準部戡定回疆

天戈所指歸仁恐後由是天山南北數萬里而遙悉歸版宇皇上明操金鏡因地制宜列戍開屯設官分職使綱目相繫臂指相維巴里坤烏魯木齊諸地已置郡縣而列學校

其他亦皆屹然重鎮鞏固萬年至山南回部諸官自三品以至七品仍其舊名而寵以

天朝之品秩賞罰黜陟悉與內地諸官同

威德之昭宣

經綸之遠大豈惟漢唐以來所未睹抑亦三皇五帝所莫可比倫矣謹條列縷分用彰

膚功之盛至歷代沿革謹擇其稍近今制者姑存一二見建置之所起而已其係名西域而未嘗實治其地受爵中朝而未嘗真設以官者則槩不濫載益以見

聖代規模鴻闊為載籍之所未聞焉

三代未置

秦未置

漢

漢書百官公卿表西域都護加官宣帝地節二年初置以騎都尉諫大夫使護西域三十六國有副校尉秩比二千石丞一人司馬侯千石各二人

荀悅漢紀鄭吉使護鄯善西南道以攻破車師日逐王請降于吉遂將詣京師封日逐王為歸德侯吉為安遠侯使吉并護車師以西北道故號都護都護之號自吉始也於是吉始中西域為立幕府治鄯壘城鎮撫諸國漢之號令頒於西域始自張騫而成於鄭吉

謹案都護之設在神爵二年通鑑考異謂漢百官公卿

表作地節二年西域傳作神爵三年皆誤也又考西域傳云宣帝時遣衛司馬鄭吉使護鄯善以西數國及破姑師未盡殄分以爲車師前後王及山北六國時漢獨護南道未能盡并北道其後日逐王畔單于將眾來降護鄯善以西使者鄭吉迎之既至封日逐王歸德侯乃因使言并護北道故曰都護又鄭吉傳吉既破車師降日逐威震西域遂并護車師以西北道故號都護師古曰並護南北二道故謂之都今西域庫車爲古之車師南道也伊犁在庫車西北北道也今伊犁將軍總轄南北二道則正漢都護之職矣

漢書百官公卿表戊己校尉武帝初元元年置有丞司馬

各一人俟五人秩比六百石

謹案戊己校尉漢官儀云戊己中央鎮覆四方後漢書西域傳注云開渠播種以爲厭勝故稱戊己王彥賓云戊己土也屯田以耕土爲事故取爲名顏師古則謂甲乙丙丁壬癸皆有正位唯戊己寄治耳今所置校尉亦無常居故取戊己爲名馬融傳稱校隊按部前後有屯甲乙相伍戊己爲堅注謂戊己居中爲中堅諸說不同然其爲將兵屯種之職則無異說也

漢書西域列傳元帝時復置戊己二校尉屯田車師前王庭

謹案顏師古百官表注云有戊校尉己校尉則戊己當

職官考卷十一  
是兩官考漢武帝時始置校尉領護田卒但以屯田校尉爲稱後乃爲戊己校尉表初不言戊校己校兩官徧考前書紀傳如徐普刁護郭欽皆兼戊己爲官稱獨烏孫傳云徙己校屯烏墨是特兵有戊校己校之分卽顏師古亦謂戊己兩校爲兵而於表云兩尉殆見後漢書西域傳元帝置戊己二校尉遂爲此說蓋范蔚宗亦以後漢有戊校尉因謂元帝所置爲二尉其實兩都設官之制不同後漢有戊己校尉戊校尉而各以校兵爲名前漢有戊校己校之兵而尉之官稱則仍兼戊己也考通鑑載竇固奏復置西域都護戊己校尉以陳睦爲都護司馬耿恭爲戊己校尉屯後王部金蒲城謁者闕寵爲戊己校尉屯前王柳中城耿恭闕寵一時並爲校尉各屯一庭而不分戊己然則後漢雖設二尉尙得通稱戊己又何疑於前漢之制乎

漢書西域列傳自貳師將軍伐大宛之後西域震懼多遣使來貢獻漢使西域者益得職於是自敦煌西至鹽澤往往起亭而輪臺渠犁皆有田卒數百人置使者校尉領護以給使外國者征和中搜粟都尉與丞相御史奏言故輪臺以東捷枝渠犁皆故國地廣饒水草有溉田五千頃以上處溫和田美可益通溝渠種五穀與中國同時熟臣愚以爲可遣屯田卒詣故輪臺以東置校尉三人分護各舉圖地形通利溝渠務使以時益種五穀

謹案漢焉耆國治員渠城去長安七千三百里即今哈喇沙爾之地漢書稱其國近海水多魚北史亦言焉耆土田良沃穀有稻菽粟麥去海千餘里有魚鹽蒲葦之饒今自哈喇沙爾至漢輪臺渠犁屯田處約四百餘里在庫車以東所謂廣饒水草有溉田五千頃以上者也更以水經注考之輪臺最西即所謂龜茲東川水東南流逕於輪臺之東者也連城稍東即所謂有水西南流逕連城別注裂以為田者也渠犁更東即所謂水又屈而南逕渠犁國西又東南流逕渠犁城漢武帝屯渠犁即此處也則其地實毗連相去不過幾百里在今哈喇沙爾之西南庫車之東南其耕墾所及視今日殊為狹隘以其為西域屯田設官之始錄之以備緣起而已

唐六典漢宣帝置都護長史一人

謹案都護長史蓋都護官屬之領袖如今印房章京之職又漢書西域傳稱班超遣掾甘英窮臨西海而還則都護又有掾亦如今筆帖式之類併附著於此

樂史太平寰宇記樓蘭國王數遮殺漢使時帝遣平樂監傅介子往勅其王懸首北闕乃立其弟屠耆為王更名其國為鄯善王自請天子曰身在漢久今歸單弱而前王有子在恐為所殺國中有伊循城其地肥美願漢遣一將屯田積穀令臣得依其威重於是漢遣司馬一人吏士四十人田伊循以鎮撫之其後更置都尉伊循官置始此矣

後漢書西域列傳永平十六年明帝乃命將帥北征匈奴  
取伊吾廬地置宜禾都尉以屯田遂通西域于賓諸國皆  
遣子入侍西域自絕六十五載乃復通焉

李吉甫元和郡縣志納職縣後漢明帝曾於此置宜禾都  
尉

謹案當時未置都護則宜禾都尉專制一方如今之辦  
事大臣矣是亦官制之緣起故附著之

袁宏後漢紀永平十七年冬十月竇固耿恭將萬餘騎帥  
擊車師王請降於是固奏置西域都護戊己校尉陳穆為  
都護耿恭為戊己校尉關寵為戊己校尉恭屯金蒲城寵  
屯柳中城相去千餘里恭乃移檄烏孫大昆彌宣喻威德

皆遣使獻馬求入侍天子○永元四年十二月龜茲姑墨  
溫宿國皆降乃以班超為西域都護徐幹為長史復置戊  
己校尉

後漢書西域列傳永平十七年始置都護戊己校尉  
司馬光資治通鑑永元三年復置西域都護騎都尉戊己  
校尉官以班超為通護

謹案後漢凡兩置都護皆如前漢為加官帶騎都尉銜  
蓋如今伊犁將軍之職至永初以後僅置護西域副校  
尉一人則又如今參贊大臣之職也

後漢書班超列傳拜超為將兵長史假鼓吹幢麾  
班勇列傳延光二年以勇為西域長史將兵五百人出屯

柳中

謹案長史本部護之屬吏惟班超稱將兵長史班勇為西域長史亦稱將兵則似即今領隊大臣之職蓋名同而官異也

後漢書西域列傳永建六年置伊吾司馬一人

謹案伊吾司馬專制一方亦似今之辦事大臣

後漢書西域列傳建武五年河西大將軍竇融承制立莎車王康為建功懷德王西域大都尉弟賢代立復遣使奉獻請都護帝乃因其使賜賢西域都護印綬敦煌太守裴遵上言不可更賜以漢大將軍印綬

謹案都尉將軍當如今總理回眾扎薩克郡王他如漢

書西域列傳稱都護韓宣奏烏孫大吏大祿大監賜金印紫綬以尊輔大昆彌當亦如今圖撒拉克齊之比然昆彌既不授漢官則其臣仍各尊其主與圖拉撒克齊為郡王之屬者不同故不列於表

三國 未置

謹案唐書地理志稱魏時涼州刺史領戍已校尉護西域如漢故事魏志稱龜茲于闐康居烏孫之屬無歲不奉朝貢然以涼州刺史領戍已校尉則特繫以虛銜坐鎮邊境與漢之戍已校尉異故今不列於表

晉 未置

謹案唐六典稱魏晉之間有都護左右軍都護將軍之

號遂廢都護之名晉書稱晉治魏制置戊己校尉領護西域似卽以校尉攝都護之職總之虛名無實亦與魏相等矣

宋齊梁陳 未置

北魏 未置

謹案魏書官氏志護羌戎中郎將護羌戎校尉從第三品考西域自魏晉以來互相吞併至是時分為四域自蔥嶺以南流沙以西為一域蔥嶺以西海曲以東為一域者舌以南月氏以北為一域兩海之間水澤以南為一域總計一十六國小渠長以百數與漢時出兩道者異太延中遣散騎侍郎董琬高明等多齎金帛出鄯善

招撫諸國則校尉中郎將之設當在是時然諸國雖奉朝貢實未能有其土地人民屯田積穀如漢之校尉都尉故亦不列於表

北齊 未置

後周 未置

隋 未置

謹案鄭樵通志稱煬帝時遣侍御史韋節司隸從事杜行滿使於西國復令聞喜公裴矩於武威張掖間往來以引致之大業中相率來朝者四十餘國帝因置西戎校尉以應接之則亦但司朝貢之使臣而已非能設官於其地也



唐

〔新唐書百官志〕大都護府大都護一人從二品副大都護  
 二人從三品副都護二人正四品上長史一人正五品上  
 司馬一人正五品下錄事參軍事一人正七品上錄事二  
 人從九品上功曹參軍事倉曹參軍事戶曹參軍事兵曹  
 參軍事法曹參軍事各一人正七品下參軍事三人正八  
 品下上都護一人正三品副都護二人從四品上長史一  
 人正五品上司馬一人正五品下錄事參軍事一人正七  
 品下功曹參軍事倉曹參軍事戶曹參軍事兵曹參軍事  
 各一人從七品上參軍事三人從八品上都護掌統諸蕃  
 撫慰征討敘功罰過總判府事

〔季徭公兵法〕太宗曰朕置瑤池都督以隸安西都護番漢  
 之兵如何處置靖曰天之生人本無番漢之別然地遠荒  
 漠必以射獵而生此常習戰鬪若我恩信撫之衣食周之  
 則皆漢人矣陛下置此都護臣請收漢戍卒處之內地減  
 省糧饋兵家所謂治力之法也但擇漢吏有熟番情者散  
 守堡障此足以經久或遇有警則漢卒出焉

謹案唐大都護即漢西域都護之制至此不復為加官  
 即以都護專稱矣其職如今伊犁將軍但皆以親王遙  
 領不置正員於其地為不同耳考地理志載建中二年  
 以守北庭李元忠守安西郭昕並為大都護龜茲傳載  
 田揚名郭元振張孝嵩杜暹並為安西都護以政績稱

安西亦大都護也權德輿忠武渾公神道碑以工部尙書爲單于大都護則大都護不盡以親王爲之矣蓋親王遙領者厥後定制也故著于百官志而用惟其人唐初固常以重臣領之未嘗拘以親王遙領之例也又唐六典大都護府功曹倉曹屬有府二人史二人戶曹屬有府三人史三人帳史一人兵曹法曹屬有府三人史四人百官志皆不載蓋史闕漏也

唐會典貞觀十四年平高昌於西州置安西都護府

謹案高昌傳貞觀十四年克高昌更置都護府龜茲傳貞觀二十三年滅龜茲始徙安西都護於其都則安西都護之置當在貞觀年間而唐六典謂永徽中始置四

大都護府與會要及新舊唐書俱不合未詳孰是

舊唐書地理志安西節度使撫寧西域統龜茲焉耆于闐疏勒四國

冊府元龜太宗旣破龜茲移置西安都護府于其國城以郭孝恪爲都護兼統于闐疏勒碎葉謂之四鎮

謹案新唐書方鎮表先天元年以北庭都護領伊西節度等使自是安西有節度之號然尙爲兼銜開元十五年伊西北庭分置二節度而節度始爲守官不復稱都護矣其制略如今辦事大臣也

杜佑通典鎮西節度使統龜茲焉耆于闐疏勒國

謹案安西節度使自開元十二年後或稱磧西或稱四

鎮至肅宗至德元載更名鎮西故有鎮西節度之號又  
王應麟玉海乾元三年以葉護曜為同四鎮節度副使  
當如今之參贊大臣也自漢以後元以前惟唐於西域  
設官之地較闊然僅自南山抵蔥嶺亦未能跨越山北  
兼以通絕不常羈縻著號則所謂設官其地者僅稍勝  
空名一等耳總未足以方

昭代之盛也

〔新唐書吐蕃列傳〕沙州首領張義潮奉瓜沙伊肅甘等十  
一州地圖以獻擢義潮沙州防禦使俄號歸義軍遂為節  
度使

〔元和郡縣志〕高昌王文泰漸失臣禮貞觀十四年詔兵部

尚書侯君集統薛萬鈞牛進達等總兵討之文泰病死子  
智盛立八月君集進兵破之下其二十二城獲戶八千列  
其地為西州並置西安都護以統之庭州顯慶中重修置  
以來濟為刺史理完葺焉請州所管諸蕃奉敕皆為置州  
府以其大首領為都督刺史司馬又置參將一人知表疏  
等事

謹案此亦今回部扎薩克之類以非常設之官故不列  
於表他如資治通鑑載龍朔元年六月癸未以吐火羅  
嚙唎闢賓波斯等十六國置都督府八並隸安西都護  
府考諸新唐書地理志時自于闐以西波斯以東凡十  
六國各以其王為都督府吐火羅為月支都督府嚙唎

為大汗都督府阿達羅支為條支都督府解蘇為天馬  
都督府骨咄施為高附都督府罽賓為修鮮都督府帆  
延為寫鳳都督府石汗那為悅般州都督府護時犍為  
奇沙州都督府怛沒為姑墨州都督府烏拉喝為旅獒  
州都督府勒建為崑墟州都督府俱密為至拔州都督  
府護密多為烏飛州都督府久越得犍為王庭州都督  
府波斯為波斯都督府通鑑言置都督府八者蓋謂月  
支大汗條支天馬高附修鮮寫鳳波斯八都督府其餘  
悅般奇沙等府不與也然皆以虛名羈縻仍以其王為  
都督與臨以王官者迥異故亦不列於表

五季 未置

宋 未置

遼 未置

金 未置

謹案金史地理志金之壤地西歷葭州出臨洮府會州  
積石之外與先羌地相錯而夏人界隔橫山盡有武威  
張掖酒泉諸郡自玉門陽關而外皆以絕遠不通故金  
史外國傳祇有西夏而西域則未隸版圖焉

元

元史憲宗本紀諾海 蒙古語大也原 達蘭 蒙古語七十數

改哈瑪爾 蒙古古語鼻也原 蘇庫 滿洲語皮也原 等充巴什

百里 同地名原作別 行尙書省事地理志至元二十年立

巴什伯里河州等處宣慰司河源附錄至元二十一年徹  
迪爾原作察帶今改二城置噶嚕噶齊二十三年遣侍衛新附兵  
千人屯田巴什伯里置元帥府卽其地以統之

謹案元代版圖雖奄有西域然所滅諸國大抵以諸王  
駙馬爲行營統軍專鎮一方各有分地迨中葉以後山  
川綿邈道路不通與朝廷或不相知聞史氏亦不能舉  
其世系名字則幅員雖廣亦畧與唐之羈縻州等特有  
其地者尙屬天潢之支派爲小異耳其稍近內地者乃  
有行省尙書有宣慰司行省尙書略如今辦事大臣宣  
慰司掌一方之政有軍旅之事則兼都元帥其次則止  
爲元帥府略如今領隊大臣而已豈如我

國家統馭得宜規模詳備使天山南北二萬餘里如臂指  
之相維也歟

明未置

謹案明洪武初陝西行省員外郎許允德出使西番繼  
又命河州衛遣官招諭諸番稍稍內屬然雖受爵中朝  
而賦稅不上於天子其後哈密赤斤諸衛爲土魯番所  
侵不能藩蔽中國而河套諸部密邇邊陲者尤患在肘  
腋禍迫門庭二百餘年之中議勦議撫迄無成效卒致  
邊防弛壞寇鈔相尋計其左支右詘之狀幾幾乎河隴  
內外求一安枕之地而不得又烏敢議天山兩道三十  
六國之舊跡哉蓋統馭之遠近視乎德澤之厚薄威力

之強弱德威不足以控御則為明代之自救不違德無所不育威無所不行則為我

朝之因明舊疆日啟版宇至我

皇上而拓地二萬餘里使蔥嶺以東納賦供役悉隸臣僕建

官守土一如郡縣敬觀今所列之職制因回思前史所

載有明一代之邊患同一西陲而盛衰治亂之相懸有

不可以道里計者然後知

聖天子揆文奮武之軌超軼前代萬萬也

南海潘元枚初校

南海桂 培覆校

番禺陶福祥再覆校

欽定歷代職官表卷七十一

藩屬各官

漢	漢	後漢	晉	宋齊	魏	齊	隋	唐	奉	宋	遼	金	元	明		
		烏桓王魏 侯君長烏丸王 鮮卑王鮮卑王 鮮卑王鮮卑王 義王義王附 義王	鮮卑王 拔術盧 封代王 鮮卑王 鮮卑王 鮮卑王 鮮卑王 鮮卑王 鮮卑王 鮮卑王 鮮卑王 鮮卑王 鮮卑王 鮮卑王 鮮卑王	宋齊 梁陳								諸國大 王裕悅 左相右 相以下 等官 諸節節 度使副 使以下 等官 詳查司 等官				

漢南科爾沁等部札薩克以下官

官下以克薩札部四海青

官下以克薩札部等喀爾喀北漠

職官表卷七十一

藩屬各官

廣雅書局

吐谷運 吐谷運  
王封 將軍  
河公 將軍  
西公 將軍  
南王 將軍  
秦王 將軍  
平王 將軍  
海郡 將軍  
國公 將軍

高車王  
封西海  
郡開國  
公

蒙古察  
罕圖  
冊圖  
部王

藩屬各官

國朝官制

外藩蒙古科爾沁等二十五部五十一旗喀爾喀四部八十五旗青海四部二十九旗阿拉善額魯特一旗烏蘭烏蘇額魯特二旗額濟訥土爾古特一旗都爾伯特十六旗每旗札薩克一人協理旗務二人或四人管旗章京一人副章京二人或一人參領每六佐領則一人佐領每百丁或二百丁或二百五十丁則一人驍騎校每佐領下則一人

札薩克掌治一旗之政令或由世襲或由

簡任不拘爵秩蒙古科爾沁等部五十一旗及青海四部落二十九旗每旗札薩克以王貝勒貝子公台吉為之惟喀喇



沁添設一旗以一等塔布囊喀爾喀等部八十五旗及都爾伯特十六旗每旗札薩克以汗王貝勒貝子公台吉爲之阿拉善額魯特以王及公烏蘭烏蘇額魯特以貝子額濟訥土爾古特以貝勒協理旗務掌佐札薩克之政亦以台吉以上爲之自管旗章京以下至驍騎校皆掌統其所屬之眾以聽於札薩克惟青海達喇嘛察漢諾們汗所屬蒙古分四佐領不統於各旗給印令達喇嘛管轄每旗按丁數編爲佐領設佐領一人驍騎校一人領催六人驍騎五十人六佐領設參領一人佐領多者設管旗章京一人副章京二十人十佐領以下設章京副章京各一人並於每旗台吉內遴選以原爵兼任如台吉內無人於參領內遴

選參領於佐領內遴選佐領於驍騎校內遴選以次遞升

謹案外藩蒙古設官雖同而分地各異其大別有三一

爲漠南科爾沁等部一爲漠北喀爾喀四部一爲青海

四部若阿拉善額魯特額濟訥土爾古特皆在寧夏甘

肅邊外亦漠南地都爾伯特在喀爾喀疆理之內烏蘭

烏蘇又喀爾喀賽因諾顏部所轄也故於表以漠南漠

北青海等部別而爲三因以上推歷代建置之異庶彼

此各有區別云

回部哈密一旗札薩克一人協理旗務一人管旗章京一人副章京一人參領二人佐領十三人土爾番一旗札薩克一人協理旗務二人管旗章京一人副章京二人參領二人佐領十五

人伯克十人

凡回部之久經內屬者一如蒙古之制編爲旗分設札薩克以下等官哈密札薩克以功晉郡王貝勒土爾番晉郡王

謹案哈密土爾番二部雖並膺王封而實佐我駐劄大臣共理庶事故互見於新疆各官篇而其屬則冠以

天朝之品秩仍存諸部之舊稱謹具列於此至於

德威遐布西域蕩平二萬餘里安屯置郡土爾扈特後率眾輸忱全部歸順其間量材授職品秩昭然而悉

簡大臣往臨其政故專列新疆表中而識其區別如右云  
歷代建置

謹案自古外藩設官羈縻不絕叛服無常弱則稽顙來王強則稱兵擾塞未有能使之畏威懷德心悅誠服者也我

### 國家誕膺

天命中外一統武功戡定文德懷柔冰天月窟悉主悉臣蒙古漠南漠北諸郡以暨回城君長莫不傾心向化獻琛奉摯永爲不侵不叛之臣因爲之設官分職蒙古各部暨回部之久經內附者皆設札薩克以理旗務又悉置都統以下等官一如八旗之制而回城伯克亦皆被以

天朝之品秩此實亙古以來之盛事求之史冊罕有倫比今纂集兩漢以來西北裔國之受中國爵號者以備此表

云

三代

書益稷謨外薄四海咸建五長

禮記曲禮其在東夷北狄西戎南蠻雖大日子於內自稱曰不穀於外自稱曰王老鄭康成注謂九州之外長也天子亦選其諸侯之賢者以為之子子猶牧也雖有侯伯之地本爵無過子

謹案爾雅九夷八蠻七戎六狄謂之四海曲禮之東夷北狄西戎南蠻即虞書之所謂四海其地在九州之外亦擇其諸侯之賢者以為之長如中國之牧伯此即唐虞咸建五長之法也今漠南哈密青海之地在唐虞三代時皆為荒服其設官之法見於益稷謨及曲禮者大畧如此若其詳則不可考矣

秦未置

漢

漢書趙充國列傳羌若零離留且種兒庫共斬先零大豪猶非楊玉首及諸豪弟澤陽雕良兒靡忘皆帥煎鞏黃羝之屬四千餘人降漢封若零弟澤二人為帥眾王離留且種二人為侯兒庫為君陽雕為言兵侯良兒為君靡忘為獻牛君初置金城屬國以處降羌

謹案青海之地漢為西羌自晉至隋為吐谷渾青海古曰西海亦曰鮮水王莽置西海郡漢書趙充國傳罕开

在鮮水上又云治湟陁中道橋令可至鮮水是也羌爲  
充國屯田所困諸豪帥皆降悉封爲侯王君長然自安  
國未屯田之先義渠安國行視諸羌已有歸義侯楊玉  
則其受漢封爵久矣

漢書西域列傳凡國五十自譯長城君監吏大祿百長千  
長都尉且渠當戶將相至侯王皆佩漢印綬凡三百七十  
七人而康居大月氏安息罽賓烏弋之屬皆以絕遠不在  
數中

謹案西漢時西域五十國置都護以統領之惟康居大  
月氏安息條支罽賓烏弋山離諸國不屬都護餘國之  
屬於都護者其王皆佩漢印綬其强大而親近者又畧  
爲署置官吏傳中所言王侯將相且渠當戶以下等官  
皆漢所加位號也

後漢書百官志四夷國王率眾王歸義侯邑君邑長皆有  
丞比郡縣

晉書匈奴列傳後漢建安中魏武帝始分其眾爲五部立  
其中貴者爲帥選漢人爲司馬以監督之

謹案漢自宣帝以後匈奴稱臣入朝然單于自稱其爵  
號如故未嘗加以漢爵其印文曰匈奴單于璽不冠以  
漢字蓋不以純臣待之也後漢光武立南匈奴亦用前  
漢呼韓邪故事至建安立五部帥始加以中國官爵矣  
然漢初匈奴兼有漠南漠北之地武帝命將出征攘卻

匈奴而漠南無王庭後漢時南匈奴款塞處漠南北匈奴在漠北至建安所立五部帥皆在太原郡境非復匈奴之故地矣今故於後漢及魏晉匈奴之置官第附著之而不以列於表云

後漢書烏桓列傳建武二十五年遼西烏桓大人郝旦等九百二十二人率眾向化詣闕朝貢於是封其渠帥為侯王君長者八十一人皆居塞內布於緣邊諸郡

後漢書鮮卑列傳建武三十年鮮卑大人於仇賁等率種人朝賀慕義內屬帝封於仇賁為王

袁宏後漢紀建武三十一年秋九月鮮卑大人於仇賁率其種人貢獻封賁為王鮮卑別居鮮卑山因號焉

三國魏志烏丸列傳注魏書曰漢安帝時烏丸稍復親附拜其大人戎末廐為都尉至順帝時戎末廐率將王侯咄歸去延等從烏丸校尉耿煜出塞擊鮮卑有功還皆拜為率眾王賜東帛

陳琳為袁紹拜烏丸三王為單于版文使持節大將軍督幽青并領冀州牧阮鄉侯紹承制詔遼東屬國率眾王頒下烏桓遼西率眾王蹋頓右北平率眾王汗盧維乃祖慕義遷善款塞內附北捍獫狁東拒濊貊世守北陲為百姓保鄣雖時侵犯王畧命將徂征厥罪率不旋時悔愆變改方之外夷最又聰慧者也始有于夫長百夫長以相統領用能悉乃心克有勳力於國家稍受王侯之命自我王室

多故公孫瓚作難殘夷厥土之君以侮天慢王是以四海之內並執干戈以衛社稷三王奮氣奮土忿奸憂國控弦與漢兵爲表裏誠甚忠孝朝所嘉焉然而虎兕長蛇相隨塞路王官爵命否而無聞夫有勳不賞俾勤者怠今遣行謁者楊林齎單于璽綬車服以對爾勞其各綏靜部落教以謹慎無使作凶作慝世復爾祀位長爲百蠻長厥有咎有不臧者泯於爾祿而喪於乃庸可不勉乎

謹案漢時鮮卑在遼東塞外烏丸在上谷漁陽右北平遼東遼西五郡塞外卽今蒙古科爾沁敖漢奈曼喀爾喀左翼喀喇沁蘇尼特等部落之地也

後漢書馬援列傳遺羌豪楊封譬說塞外羌皆來和親

後漢書鄧訓列傳燒當羌豪東號稽顙歸死餘皆款塞納

質

謹案後漢西羌屢叛爲國大患安帝時至僭大號然自光武置護羌校尉而馬援鄧訓傳皆言羌豪和親款塞必有受漢爵者特史文不具耳

後漢書西域列傳建武五年河西大將軍竇融承制立莎車王康爲漢莎車建功懷德王西域大將軍康死弟賢代立十七年賜賢西域都護印綬敦煌太守裴遵上言夷狄不可假以大權又令諸國失望詔書收還都護印綬更賜賢以漢大將軍印綬○和帝永元二年大將軍竇憲破北匈奴車師震懼前後王各遣子奉貢入侍並賜印綬金帛

太平寰宇記莎車國後漢光武建武五年西河大將軍竇融承制立其王康為漢莎車建功懷德王西域大都尉五十五國皆屬○扞彌國陽嘉初燉煌太守徐由遣疏勒發兵擊之破于闐遂立拘彌王○焉耆國和帝永元六年都護班超發諸國兵討之殺其王超乃立焉耆左侯元孟為王

謹案後漢復通西域莎車車師二國皆受漢爵號賜印綬見於史傳其餘國之屬於都護者其王當亦受漢封爵如西漢時矣又考莎車王康之為漢莎車建功懷德王與今之札薩克王同其為西域大都尉其子賢為漢大將軍以藩王加漢爵統領多國實兼今新疆各官之職故於新疆各官卷內互載之

三國

晉書匈奴列傳後漢建安中始分其眾為五部部立其中貴者為帥魏末復改帥為都尉

三國魏志烏丸列傳注魏畧曰景初元年右北平烏丸單于寇婁敦遣弟阿羅獎等詣闕朝貢封其渠帥三十餘為王

三國魏志鮮卑列傳鮮卑步度根既立建安中遣使獻馬帝拜為王青龍元年步度根將泄歸泥及部眾悉保比能寇鈔并州殺畧吏民帝遣驍騎將軍秦朗征之歸泥叛比能將其部眾降拜歸義王○軻比能本小種鮮卑眾推以

爲大人延康初遣使獻馬文帝立比能爲附義王○素利  
靡加厥機皆爲大人在遼西右北平漁陽塞外建安中因  
閻柔上貢獻通市太祖皆表寵以爲王厥機死又立其子  
沙末汗爲親漢王文帝立素利彌加爲歸義王

冊府元龜魏文帝漢延康元年封鮮卑素利彌加爲歸義  
王○黃初元年更授匈奴南單于呼廚泉魏璽綬賜青蓋  
乘輿寶玉玦是年鮮卑步度根拜爲王○明帝太和三年  
以大月氏王波調爲親魏大月氏○景初元年右北平烏  
丸單于寇婁敦遣弟阿羅槃等詣闕朝貢封其渠帥三十  
餘人爲王

謹案魏文帝外國遣使奉獻詔曰西戎卽敘氏羌來王

詩書美之頃者西域並款塞內附其遣使者撫勞之但  
云撫勞之則文帝時未嘗封西域諸國如烏桓鮮卑可  
知其以大月氏王爲親魏大月氏則在明帝三年但云  
大月氏亦非若附義歸義之特加王號也

晉

司馬光資治通鑑初匈奴劉猛死劉虎代領其眾號鐵弗  
氏與白部鮮卑皆附於漢劉琨將討之遣使卑辭厚禮說  
拓跋猗盧以請兵猗盧使其弟弗之子鬱律帥騎二萬助  
之遂破劉虎白部琨與猗盧結爲兄弟表爲大單于以代  
郡封之爲公建興三年詔進猗盧爵爲王置官屬食代常  
山二郡



晉書慕容廆載記曾祖莫護跋魏初從宣帝伐公孫氏有功拜率義王父涉歸以全柳城功進拜鮮卑單于涉歸有恨於宇文鮮卑廆將修先君之怨表請討之武帝弗許廆怒入寇遼西帝遣幽州諸軍討廆廆眾大敗後遣使來降拜爲鮮卑都督建興中愍帝遣使拜廆鎮軍將軍昌黎遼東二國公建元初元帝承制拜廆假節散騎常侍都督遼左雜夷流人諸軍事龍驤將軍昌黎公

晉書段匹磾列傳父務弗塵遣兵助東海王越征討有功王浚表爲親晉王封遼西公懷帝卽位以務弗塵爲大單于匹磾爲左賢王率眾助國征討假撫軍大將軍

宋齊梁陳

北史吐谷渾列傳阿豺遣使通宋獻其方物宋少帝封爲澆河公未及拜受文帝元嘉三年又加除命會暴病死慕瓚立又奉表通宋文帝又授隴西公慕瓚死弟慕利延立又通宋宋封爲河南王慕利延死拾寅立又受宋封爵號河南王

冊府元龜宋文帝元嘉七年正月以吐谷渾慕瓚爲征南將軍沙州刺史慕瓚遼東鮮卑也兄阿豺晉末譙縱之亂遣使上表獻方物詔爲安西將軍沙州刺史澆河公阿豺死慕瓚立奉表故有是命九年六月以征西將軍沙州刺史吐谷渾慕瓚爲征西大將軍西秦河二州刺史十五年三月以平東將軍吐谷渾慕延爲鎮西將軍西秦河二州

刺史十六年六月改封隴西王吐谷渾慕延爲河南王二十九年九月以平西將軍吐谷渾拾寅爲安西將軍西秦河二州刺史孝武卽位初安西將軍西秦河二州刺史吐谷渾拾寅進號鎮西大將軍開府儀同三司明帝泰始三年十月鎮西大將軍西秦河二州刺史河南王吐谷渾拾寅進號征西大將軍後廢帝元徽三年九月征西大將軍河南王吐谷渾拾寅進號車騎大將軍○南齊太祖建元元年五月詔持節散騎常侍都督秦河沙三州諸軍開府儀同三司領護羌校尉西秦河二州刺史河南王吐谷渾拾寅進號驃騎大將軍武帝永明三年六月以河南王拾寅世子吐谷渾易度侯爲使持節都督西秦河沙三州諸

軍事鎮西將軍領護羌校尉西秦河二州刺史○梁高祖天監三年九月以河南王世子伏連籌爲鎮西將軍西秦河二州太守河南王中大通元年三月以河南王伏連籌子呵羅眞爲寧西將軍護羌校尉西秦河二州刺史

謹案晉自永嘉擾亂遂失中原迄於梁陳偏安江左聲教不通於北裔惟吐谷渾兼事南北兩朝宋齊梁時皆嘗稱臣奉貢其地在青海之上卽今額魯特等部落之所居也

後魏

北史吐谷渾列傳魏太武時遣使者策拜慕瓚爲大將軍西秦王太延二年慕瓚死弟慕利延立拜鎮西大將軍儀

同三司改封西平王慕利延死樹洛干子拾寅立太武遣使拜爲鎮西大將軍沙州刺史西平王拾寅死子度易侯立死子伏連籌立孝文拜伏連籌使持節都督西陲諸軍事征西將軍領護西戎中郎將西海郡開國公吐谷渾王北史高車列傳伊訇遣使奉表於是遣使者拜爲鎮西將軍西海郡開國公

北史高昌列傳魏熙平二年麴嘉遣使朝貢延昌中以嘉爲持節平西將軍瓜州刺史泰臨縣開國伯私署王如故嘉死子堅立普泰中遣使朝貢除平西將軍瓜州刺史泰臨縣開國伯王如故又加衛將軍至永熙三年特除儀同三司進爲郡公大統十四年詔以其子元嘉爲王恭帝二年又以其田地公茂嗣位

謹案元魏時蠕蠕強盛統率北方雖遣使朝貢未嘗稱臣而高車王伊訇明帝時常受封爵其地在北海之上卽漢之丁零在今爲鄂羅斯地尙在喀爾喀諸部之北若其時西域則受朝命者惟高昌一國其餘但通貢使而已

北齊 未置

後周 未置

謹案魏時北狄之高車西域之高昌皆嘗受封爵而吐谷渾則世受朝命至正光時不絕周齊之際蠕蠕滅而突厥興與中國抗衡而高車自東魏之末已爲蠕蠕所

破自後無聞焉吐谷渾自魏末莫折念生反於秦州河西路絕貢獻不通其王夷呂立自稱可汗後雖於周齊皆嘗通貢而爵命自此絕矣若高昌則史亦但言武成保定中嘗通貢獻而已蓋自魏氏既分東西構難中國多故故聲教所及遠遜魏氏至周武平齊之後歷年無多亦未暇遠畧也

隋未置

隋書突厥列傳沙鉢略遣第七兒窟舍真奉表拜窟舍真為上柱國封安國公○處羅侯立為葉護可汗遣其母弟褥但特勒獻于闐玉杖上拜褥但為柱國康國公

北史吐谷渾列傳隋開皇初遣上柱國諧率步騎數萬擊

之夷吾遠遜其名王十三人各率部落而降上以其高寧王移茲哀素得眾心拜大將軍封河南王以統降眾

冊府元龜隋開皇十九年四月突厥利可汗內附以為啟可汗煬帝大業五年高昌王麴伯雅來朝朝拜左光祿大夫車師太守封奔國公

謹案隋時突厥臣伏啟民可汗乃其所立然亦自稱其爵號與漢之呼韓邪南單于無異惟沙鉢略子窟舍真處羅侯弟褥但特勒常受柱國國公之號乃因其奉使貢獻而嘉寵之非若設官有常職者也吐谷渾自夷呂既叛雖屢被征討終未嘗受爵命如魏時移茲哀之為河南王特以統其降眾而已亦與舉國稱藩者不同故

職官表卷十一  
今並附錄於此而不以著於表

唐

新唐書北狄契丹列傳貞觀二年摩會來降明年入朝帝  
伐高麗悉發酋長與奚首領從軍帝還過營州以窟哥爲  
左武衛將軍大酋辱紇主曲據又率眾歸卽其部爲元州  
拜曲據刺史未幾窟哥舉部內屬乃置松漠都督府以窟  
哥爲使持節十州諸軍事松漠都督封無極男奚列傳太  
宗伐高麗大酋蘇支從戰有功不數年其長可度者內附  
帝爲置饒樂都督府拜可度者使持節六州諸軍事饒樂  
都督封樓煩縣公開元二年奚酋李大酺使奧蘇悔落丐  
降封饒樂郡王左金吾衛大將軍饒樂都督黑水靺鞨列

傳黑水靺鞨居肅慎地貞觀二年臣附以其地爲燕州開  
元十年其長倪屬利稽來朝元宗卽拜勃利州刺史於是  
安東都護薛泰請置黑水府以部長爲都督刺史朝廷爲  
置長史監之渤海列傳渤海本粟末靺鞨地武后封乞四  
比羽爲許國公乞乞仲象爲震國公仲象死其子祚榮建  
國自號震國王中宗時遣子入侍睿宗先天中遣使拜祚  
榮爲左驍衛大將軍渤海郡王

新唐書突厥列傳頡利旣敗乃舉眾來漠南地遂空帝度  
朔方地建爲都督府擢酋豪爲將軍郎將者五百人奉朝  
請者且百員乃以突利可汗爲順州都督令率其下就部  
○思摩頡利族人也武德初數以使者來高祖嘉其誠封

和順郡王及諸部納欵思摩獨畱與頡利俱禽太宗以爲忠授右武侯大將軍化州都督統頡利故部居河南徙懷化郡王

舊唐書回紇列傳貞觀二十年遣使入貢以破薛延陀功賜宴內殿太宗幸靈武受其降欵因請迴鶻以南置郵遞通管北方太宗以回紇爲瀚海府拜其俟利發吐迷度爲懷化大將軍兼瀚海都督

新唐書西域列傳焉耆貞觀六年其王龍突騎支始遣使來朝十二年侯君集討高昌突騎支引兵佐唐西突厥臣屈利咄爲弟娶突騎支女遂相約不朝貢安西都護郭孝恪討之執突騎支而還立突騎支弟婆伽利爲王以其地

爲焉耆都督府婆伽利死國人請還前王突騎支高宗許之拜左衛大將軍歸國○龜茲王訶黎布失畢貞觀二十一年兩遣使朝貢帝怒其助焉耆叛發兵討之執訶黎布失畢獻太廟拜左武衛中郎將始徙安西都護於其都統于闐疏勒碎葉號四鎮○疏勒國天寶十二載首領裴國良來朝授折衝都尉○于闐王伏闕信入見天子授右衛大將軍子葉護玷爲右驍衛將軍上元初以其地爲毗沙都督府○康貞觀五年請臣高宗永徽時以其地爲康居都督府卽授其王拂呼縵爲都督○安治阿濫謐城東安治喝汗城亦曰龔斤顯慶時以阿濫爲安息州卽以其王昭武殺爲刺史龔斤爲木鹿州以其王昭武閉息爲刺史

職官表卷十一  
○石顯慶三年以瞰羯城爲大宛都督府授其王噉土屯攝舍提於屈昭穆都督○米顯慶三年以其地爲南謚州授其君昭武開拙爲刺史○何永徽時以其地爲貴霜州授其君昭武婆達地刺史○史顯慶時以其地爲佉沙州授其君昭武失阿喝刺史○寧遠顯慶三年以渴塞城爲休循州都督授阿了參刺史○吐火羅顯慶中以其阿緩城爲月氏都督府析小城爲二十四州授王阿史那都督○帆延顯慶二年以羅爛城爲寫鳳都督府縛時城爲悉萬州授王荀寫鳳州都督管內五州諸軍事○識匿開元十二年授王布遮波資金吾衛大將軍天寶六載王跌失迦延從討勃律戰死擢其子都督左武衛將軍給祿居藩

○護蜜顯慶時以其地爲烏飛州王沙鉢羅頡利發爲刺史○波斯龍朔初天子遣使者到西域分置州縣以疾陵城爲波斯都督府卽拜畢路斯爲都督咸亨中入朝授右武衛將軍

李衛公兵法太宗曰近契丹奚皆內屬置松漠饒樂二都督統于安北都護朕用薛萬徹何如靖曰萬徹不如阿史那社爾及執失思力契苾何力此皆番臣之知兵者也臣嘗與之言松漠饒樂山川道路番情逆順遠至於西域部落十數種歷歷可信臣教之以陳法無不點頭服義望陛下任之勿疑若萬徹則勇而無謀難以獨任

程大昌北邊備對貞觀初突厥已亡惟回紇與薛延陀爲

最雄強已而回紇攻薛延陀併有其地遣使獻功太宗爲  
幸靈州次涇陽受其功乃以回紇部爲瀚海部督多質葛  
部爲燕然部督凡六部督天寶初回紇之臣裴羅襲破拔  
密自稱骨咄祿毗伽疑可汗天子以爲奉義王居突厥故  
地

樂史太平寰宇記罽賓國唐明慶三年列其城爲修鮮都  
督府龍朔初授其王修鮮等一十一州諸軍事兼修鮮都  
督○康居國顯慶三年高宗遣果毅董寄生列其所居城  
爲康居都護府仍以其王拂呼縵爲都護萬歲通天元年  
則天封其大首領篤娑鉢提爲王鉢提尋卒又冊其子泥  
涇師師神龍中泥涇卒國人又立突皆開元初累使貢獻

鎖子甲水精珠越諾及侏儒人胡旋女子兼狗豹之屬開  
元十九年其王烏勒上表請封其子咄曷爲曹國王默啜  
爲米國王上許之至二十七年烏勒卒遣使冊咄曷襲其  
父位至天寶中又封爲欽化王化母可敦封爲郡夫人○  
曹國天寶元年其王哥羅僕遣使朝貢三年詔下封其王  
爲懷德王○史國顯慶三年遣果毅董寄生列其所治爲  
佉沙州以其王昭武阿曷爲刺史開元二十七年其王延  
屯卒冊其子阿蔥鉢爲王○波斯國龍朔元年其國王卑  
路斯奏云頻被大食侵擾請兵救援其時詔遣隴南田縣  
令王名遠充使西域分置州縣因列其地疾陵城爲波斯  
都督府援卑路斯爲都督是後累遣使朝貢咸亨中卑路



斯自來朝貢高宗厚加恩異授右武衛將軍○吐火羅國  
高宗永徽三年其葉護那使烏溼波奉表告立高宗遣置  
州縣使王名遠到其國以所理阿緩大城爲月氏都督府  
各分其小城爲二十四州以烏溼波爲都督王名遠請於  
吐火羅國立碑以記聖德帝從之五年烏溼波遣子伊室  
達官弩朝龍朔元年授烏溼波使持節月氏等二十五州  
諸軍事月氏都督○石國顯慶三年列其地噉羯城爲大  
宛都督府仍以其王噉吐屯攝舍提於屈昭穆爲都督開  
元初其蕃王莫賀咄吐屯有功封石國王加特進尋又冊  
爲順義王二十九年其王伊捺吐屯屈勒上表曰奴身千  
代以來忠赤於國只如突厥騎施可汗赤忠之日部落安  
貼后背天可汗腳底火起今突厥屬天可汗在於西頭爲  
患惟有大食莫踰突厥伏乞天恩不吞突厥部落打破大  
王食諸國自然安貼天寶初累遣使朝貢至五年封其王子  
那俱車鼻施爲懷化王并錫鐵券

謹案唐自太宗平突厥西北諸番及蠻夷稍稍內屬卽  
其部落建號設官版籍貢賦不上戶部聲教所暨皆邊  
州都督都護所領自漢以來外藩服屬此爲最盛西域  
自魏晉以後頗通貢獻然不過數國蠕蠕盛時則屬於  
蠕蠕突厥旣興多屬於突厥唐自突厥旣平北庭帖然  
西域亦皆平定高昌伊吾等旣皆列爲郡縣復開四鎮  
置都護而史米何石吐火羅諸國漢時爲康居大夏條

支及罽賓大秦地不屬都護者亦皆通朝貢受爵命故  
史謂唐之疆域視漢盛時東不及而西則過之也至安  
史之亂藉回紇以平內難其可汗雖受唐封冊寔以驕  
倨非復藩臣之禮渤海自開元後強大雖通朝貢而私  
立年號不稟正朔契丹則陰附回紇靺鞨則役屬渤海  
而吐蕃乘中國多故薦食西鄙安西陷沒四鎮皆失唐  
志所列爲西北蕃夷羈縻之州大抵有其名而無其實  
茲故不詳述云

五季

宋史西域于闐列傳晉天福中其王李聖天自稱唐之宗  
屬遣使來貢高祖遣供奉官張鄴持節策爲大食于闐國

王回鶻列傳後唐同光中嘗冊其國王仁美爲英義可汗  
仁美卒其弟仁裕立冊爲順化可汗晉天福中又改爲奉  
化可汗沙州列傳沙州本漢燉煌故地唐末陷於西戎大  
中五年張義潮以州歸順詔建沙州爲歸義軍以義潮爲  
節度使朱梁時張氏之後絕州人推長史曹義金爲帥義  
金卒子元忠嗣周顯德二年來貢授本軍節度檢校太尉  
同中書門下平章事鑄印賜之

馬端臨文獻通考回鶻五代之際有居甘州西州者嘗見  
中國而甘州回鶻數至梁乾化元年都督周易言等來史  
不見其長君名號梁拜易言等官爵遣還唐莊宗時王仁  
美遣使者來貢玉馬自稱權知可汗莊宗遣使冊爲英義

職官表卷十一  
三  
可汗天成二年權知國事王仁裕遣使來朝明宗冊爲順  
化可汗晉高祖時又加冊命

冊府元龜後唐莊宗同光元年賜陰山府都督白承福于  
中山北石門爲柵號寧朔奉化兩府以都督爲節度使○  
二年四月回鶻權知可汗仁美遣使來貢封爲英義可汗  
○明宗天成三年二月命使冊回鶻權知可汗仁祕爲順  
化可汗○末帝清泰元年七月癸丑檢校刑部尚書瓜州  
刺史慕容歸盈轉檢校尚書左僕射○晉高祖天福三年  
十月封于闐國王李聖天爲大寶于闐國王○四年封回  
鶻可汗仁美爲奉化可汗

謹案五代時中國土宇旣狹喪亂相尋又契丹旣興東  
北諸國皆役屬之不復與於王會然自唐大中時平河  
湟西陲清晏五代相去未遠承其餘烈故于闐回鶻沙  
州等國尙能奉貢獻受冊封也

宋

宋史西域于闐列傳嘉祐八年遣使羅撤溫獻方物以其  
國王爲特進歸忠保順斫鱗黑韓王回鶻列傳大中祥符  
元年夜落紇寶物公主及沒孤公主婆溫宰相各遣使來  
貢東封禮成以可汗王進奉使姚進爲寧遠將軍寶物公  
主進奉使曹進爲安化郎將天聖元年甘州夜落隔通順  
遣使阿葛之王文貴來貢方物詔通順特封歸忠保順可  
汗王大食列傳開寶元年遣使來朝貢四年又貢方物以

其使李訶末爲懷化將軍熙寧六年都蕃首保順郎將蒲陀婆離慈表令男麻勿奉貢物乞以自代而求爲將軍詔但授麻勿郎將沙州列傳沙州曹元忠建隆三年加兼中書令子延恭爲瓜州防禦使元忠卒子延祿遣人來貢授延祿本軍節度弟延晟爲瓜州刺史延瑞爲衙門都虞候咸平四年封延祿爲譙郡王五年延祿延瑞爲從子宗壽所害宗受權知雷後而以其弟宗允權知瓜州表求旌節乃授宗壽節度使宗允檢校尚書左僕射知瓜州宗壽賢順爲衙內都指揮使大中祥符末宗壽卒授賢順本軍節度使延惠檢校刑部尚書知瓜州

謹案宋承五代之後混一海內而契丹雄峙北方夏人

崛起西陲東北諸部既皆服屬於遼而西域亦與中國隔絕其受朝命者惟党項吐蕃于闐回鶻大食沙州等國而已党項吐蕃別見土司表中回鶻強盛時盡得古匈奴地至唐武宣後衰亂部落離散五代及宋時通中國者特其諸部之居甘涼西鄙者非復唐時之舊且其受中國冊命亦皆仍其可汗之號第如漢匈奴呼韓邪隋突厥啟民之比而大食在宋時亦但爵其使人其國王未嘗受職故今於五代之回鶻宋時之回鶻大食但附載其人貢受封之事而不以著於表又宋時西夏嘗受封爵然西夏雖出於党項而在唐末及五代實爲中國之藩鎮未可待以純夷而自元昊以來帝制自爲又

與中國抗衡尤未可以外藩例之今並不載云

遼

遼史百官志遼制屬國屬部官大者擬王封小者准部使命其酋長與契丹人分別而用恩威兼制得柔遠之道○

屬國職名總目某國大王某國裕悅官名原作于越今據字面改正某國

左相某國右相某國特哩袞蒙古語頭也原作惕隱今改正亦曰司徒某

國太師某國太保某國司空○某國某部節度使司某國

某部節度使某國某部節度副使○某國詳袞官名原作詳穩今據

字面改正司某國詳袞某國都監某國將軍某國小將軍○大

部職名並同屬國○諸部職名並同部族

金史世紀昭祖稍以法度為治遼以特哩袞官之○五國

佛靈滿洲語羣也原作蒲聶今改正部節度巴哩美蒙古語執也原作拔乙門今改正叛

遼景祖襲而擒之獻于遼主遼主以為生女直部族節度

使遼人呼節度使為太師金人稱太師者自此始

謹案遼時屬國大者曰某部授以大王及裕悅以下等

官小者曰某部授以節度使以下等官至西夏雖嘗授

封遼史廂諸屬國之列然實自帝一方今亦不以列於

表云

金

元聖武親征記金遣丞相完顏襄帥兵追叛者北走上因

起兵自鄂諾蒙古語黃羊也原作翰難今改正河迎討金主授帝察罕圖

嚕猶華言招討使也○蒙古語察罕白色也圖嚕頭目也原作察元禿魯今改正並冊圖烈蒙古語燒

明史外國韃靼列傳永樂二年阿魯岱

柴也原作脫 部長托和 蒙古語半大堪達漢 烈今改正 也原作脫黑今改正 為王

元未置

謹案元起北方有天下以嶺北為和寧路龍岡為上都路而諸王分地亦碁布其間漠南漠北並無他族雜處又自太祖盡平西域悉以封諸王駙馬亦與今之外藩王公迥異而青海之地為貴德州及土蕃朶甘思等處皆屬於吐蕃宣慰司蓋唐時突厥回紇吐谷渾西域羈縻等州皆為天子宗親之所鎮守國家官司之所統治版籍隸於司徒賦稅等於內地不可以外藩例之矣

明

明史外國韃靼列傳永樂二年阿魯岱

魯台今 奏瑪哈穆特 蒙古語五行之行也 也岱有也 原作阿 改正 原作馬哈木今改正 等弒其主願輸

誠內附請為故主復仇天子義之封為和寧王自是歲一貢或二貢以為常○諳達

滿洲語伙伴也 原 作俺答今改正 有孫曰巴罕

納古爾

蒙古語巴罕小也 納古爾也 也原作阿力 哥今改正 等來降大同巡撫方逢時受之以告總督王

崇古詔授巴罕指揮使阿爾噶正千戶諳達方西掠土蕃間之亟引還約諸部入犯崇古遣譯者鮑崇德往言朝廷待巴罕甚厚第能縛送板升諸叛人趙全等且送至巴罕即夕返矣諳達大喜發使與崇德來乞封且請輸馬與中

國鐵鍋布帛互市隨執趙全李自馨等數人來獻崇古乃

以帝命遣巴罕歸諳達得孫大喜上表謝詔封諳達為順

義王○瓦刺列傳瓦刺在韃靼西元亡其強臣孟克特穆

爾蒙古語孟克經常之常也特穆爾鐵也原作猛克帖木兒今改正據之死眾分為三其

渠曰瑪哈穆特曰太平曰巴圖博囉蒙古語巴圖堅固也博囉青色也原作把

禿字羅永樂六年瑪哈特穆等遣阿南達達實阿南達實今改正等來朝貢馬仍請封明年夏封瑪

哈穆特為特進金紫光祿大夫順寧王太平為特進金紫

光祿大夫賢義王巴圖博囉為特進金紫光祿大夫安樂

王賜印誥○額森蒙古語平安也原作也先今改正諸子哈喇哈達蒙古

喇黑色也哈達山峯也等徙居剛剛滿洲語雁鳴也原作河

原作大兒忽答今改正

弟巴圖蒙古語解見前原王姪烏爾古訥蒙古語滋生也

作伯都今改正正等往依哈密巴圖王英宗三年哈密為請封詔授巴圖

王都督僉事烏爾古訥指揮僉事

謹案明時漠南漠北皆為蒙古之地自成祖時有和寧

順寧賢義安樂四王之封然其後屢為邊患雖嘗置衛

所設都督都指揮等官亦徒存其名耳至諳達以孫故

納欵始受朝廷封爵於是邊境稍靖而明運亦將季矣

我

朝德威懷畏鱗集仰流自

興京肇建之前科爾沁貝勒明安即遣使通好自後蒙古

諸部落向風內屬朝貢不絕今具載於篇至我

皇上綏輯遠人準部回部以次底定玉關以西二萬餘里置  
吏耕屯徧設郡縣其詳具載新疆各官篇茲不復綴由  
今溯古無外之模迥非前代所可及也

欽定歷代職官表卷七十一

南海羅崇齡初校  
益陽蔡芳覆校  
番禺陶福祥再覆校

欽定歷代職官表卷七十二  
土司各官

三	代	
秦		
漢		
後	漢	長官為太守
三	國	楊國為太守
晉		武都太守
宋	齊	南平太守
魏		猛力為太守
齊		寧越太守
隋		南平太守
唐		長真太守
宋		南平太守
遼		南平太守
金		南平太守
元		南平太守
明		南平太守

職官表卷七十一 土司各官

廣雅書局





宣撫使副使

安撫使副使

宣撫司  
宣撫使  
同知副使  
使僉事

安撫司  
安撫使  
同知副使  
使僉事

南平  
長真  
安撫  
使

同知

長官司  
長官副  
長官

長官副官

土司各官

國朝官制

甘肅土指揮使八人正三品 指揮同知七人從三品 指揮僉事八人正四品  
 土千戶九人正五品 副千戶二人從五品 土百戶九人正六品  
 青海千戶一人 百戶二十四人 百長二十六人 ○ 西藏百戶十六人 百長十人

甘肅土指揮使河州衛一人 狄道州一人 平番縣三人 西寧縣三人 指揮同知河州衛一人 平番縣一人 西寧縣一人 碾伯縣四人 指揮僉事平番縣一人 西寧縣二人 碾伯縣三人 洮州廳二人 土千戶河州保安撒喇四房一人 保安撒喇族五人 平番縣一人 武威縣一人 永昌縣一人

古浪縣一人碾伯縣一人大通縣一人正千戶平番縣一人副千戶平番縣一人洮州廳一人土百戶河州亂藏一人平番縣二人碾伯縣二人岷州四人青海奇可巴彥南稱族千戶一人阿里克族百戶二人格爾吉族百戶三人蒙果爾津族邕希葉布族百戶各一人玉樹族百戶四人蘇魯克族尼牙木錯族庫固察族稱多族百戶各一人札武族百戶二人下札武族下阿拉克沙族上隆壩族下隆壩族蘇爾莽族多倫尼拉克安都族百戶各一人葉爾吉族阿薩克族列玉族阿永族拉爾吉族丹巴族巴彥南稱界綽庫爾族桑博爾族隆東族百長各一人洞巴族百長三人上隆壩族百長一人下隆壩族百長三人阿拉克頤

族百長四人附住玉樹界內噶爾布族附住札武界內班石族白利族哈爾受族吹冷多爾族巴彥南稱界內拉布庫克百長各一人西藏納克書貢巴族納克書色爾查族納克書畢魯族納克書奔頻族納克書拉克什族納克書達格魯克族勒納夥爾族邛布納克魯族夥爾族百戶各一人邛布噶魯族邛布色爾查族百戶各二人格魯克族山岡噶魯族夥爾遜提嘛爾族百戶各一人白臘岡札嘛爾族撲錯族三查族三納拉巴族上阿查克族下阿查克族上多爾樹族下多爾樹族夥爾彭他嘛族夥爾拉塞族百長各一人乾隆十三年覆准清理西寧玉樹納克書等番字分界安插其千人以上之部落設千戶一人百人以

職官表卷七十一  
上之部落設百戶一人千戶之下設百長五人或四人百戶之下設百長三人或四人各給號紙凡土司各掌其所屬番夷軍民之政自知府以下至典史爲文職隸於吏部驗封司自宣慰指揮使以下至千戶百戶爲武職隸於兵部武選司而各省文武大員統轄焉各以其土之所有爲貢或三年一貢或五年一貢其承襲按其支派宗圖定其當襲者不容混冒順治初定土司承襲由督撫具題將該土司宗圖親供司府州鄰印信甘結及舊敕印號紙送部親身赴京兵部查驗明確方准承襲康熙十一年題准土司襲職子弟年滿十五歲方許承襲未滿十五歲者督撫報部將土司印信事務令本族土舍護理待年滿督撫題

請承襲又題准土官襲職傳其親身赴京取具地方官保結並宗圖呈報該督撫保送到日許其承襲雍正三年覆准各處土司文武官員嫡長子孫承襲本職其支庶子弟有馴謹能辦事者俱許本職土官詳報督撫具題請

旨酌量給與職銜令其分掌地方事務其所授職視土官各降二等如文職土官係知府則所分者給通判職銜係通判則所分者給縣丞銜武職係指揮使則所分者給指揮僉事銜本土官係指揮僉事則所分者給與正千戶銜四年覆准土司土目有隨師效力應行議敘之員止就原土職加銜如宣慰使司宣撫使司安撫使司則有各司使副使同知僉事等員招討司則有招討使副招討使長官司則

有長官副長官等銜指揮司則有指揮使同知僉事正千戶副千戶百戶等銜均照原官品級以次陞授遞加至宣慰使指揮使而止如有餘功准其隨帶仍令以本土職管事及襲替時亦以原職承襲

各員額淨國初以來隨時置設亦時有裁改今以現在部冊為定各省並同

四川土通判二人土知事一人土巡檢二人土副巡檢一人宣慰使五人副使一人宣撫使五人副使三人安撫使二十人副使三人長官三十有七人副長官三人千戶四十人土千總二人土百戶一百六十有三人

四川龍安府土通判一人土知事一人石砬土通判一人水草坪牟托土巡檢各一人竹木坎土副巡檢一人

民宣慰使司一曰明正長河西魚通寧遠宣慰使一人宣慰使司五曰董卜韓胡曰布拉克底曰巴旺曰梭磨各宣慰使一人曰德爾格忒宣慰使副使各一人宣撫使司五曰邛部曰沙罵曰綽斯甲並宣撫使一人曰裏塘宣撫使一人副使二人曰巴塘宣撫使一人副使一人安撫司二十曰長寧曰加渴瓦寺曰沃日曰瓜別曰木裏曰單東革什咱曰巴底曰瓦速餘科曰竹窩曰綽倭曰霍耳綽倭曰霍耳章谷曰霍耳孔撒曰霍耳甘孜磨書曰霍耳咱護曰霍耳林蔥曰上納奪各安撫司一人曰喇滾曰下瞻對曰春科各安撫使一人副使一人長官司三十有七曰阿都長官一人副長官一人曰靜州曰隴木曰岳希曰實大關

日松岡日卓克塞日黨壩日威龍州日普濟州日昌州日  
沈邊日冷邊日瓦述崇喜日瓦述毛丫日瓦述曲登日瓦  
述色他日瓦述更平日霍百納林沖日霍百白利日霍百  
東科日春科高日日上瞻對日蒙葛結日中瞻對茄色日  
泥溪日平茶洞日平夷日蠻夷日沐川日九姓日河東日  
嘉克杜時述日石耶崗日邑梅各長官一人日地壩日馬  
喇各副長官一人日咱哩日松坪日雙則紅凹寨日班佑  
寨日川柘寨日余灣寨日祈命寨日寒盼寨日商巴寨日  
谷爾壩那浪寨日竹當寨日包子寺寨日甲多寨日墨蒼  
寨日阿强寨日呷竹寺日丟谷寨日雲昌寺日沙壩日阿  
思洞寨日峩眉喜寨日七布寨日毛革阿按寨日麥雜余

灣寨日松林地日暖帶密日暖帶田壩日酥州日黎溪州  
日迷易所日鹽井衛中所日左所日右所日古柏樹日瓦  
述寫達日瞻對峪納日上納奪日中郭羅克押落寨日中  
阿樹日上瞻對撒敦土千戶各一人日河西日雷波千萬  
貫土千總各一人日沙卡阿業日木噶媽寺猛呷阿他日  
瓦七立日惡落日白桑日惡熱日上八義日下八義日沙  
悞石日作蘇策日八哩籠壩日上渡噶喇佳寨日中渡亞  
出卡日他咳日索窩籠巴日惡拉日八烏籠日拉里日姆  
朱日樂壤日上渣壩惡疊日上渣壩卓泥日中渣壩熱錯  
日中渣壩業窪石日中渣壩沱日下渣壩莫藏石日扒桑  
日木轆日格窪卡巴日呷那工弄日吉增卡桑阿籠日魯

密東谷曰普共磔曰郭宗曰結藏曰初把曰祖卜柏哈曰  
昌拉曰堅貞曰達媽曰格桑曰本滾曰長結杵尖曰長結  
松歸曰白隅曰梭布曰達則曰卓籠曰窪黑曰阿招曰膩  
乃窠曰旁阿孤曰明州樂曰油石洞空希曰大羊腸曰幹  
田壩曰麻柳壩曰輸沃曰冷紀曰阿細柘弄寨曰巴細蛇  
任壩寨曰上作革寨曰合壩獨雜寨曰轄幔寨曰下作革  
寨曰物藏寨曰熱當寨曰磨下寨曰甲凹寨曰阿革寨曰  
郎情安出寨曰下泥巴曰熱霧曰拈佈曰疊溪閫外曰沙  
壩曰大姓黑水曰小姓黑水曰疊溪閫內小姓曰松坪曰  
料林坪曰野豬塘曰白石村曰前後山曰六翁曰老鴉漩  
曰阿得橋曰白路曰虛郎曰苗出曰大村曰糯白瓦曰窩  
小曰迤東大鹽井曰熱卽哇曰中村曰架州曰三大支曰  
河西地曰繼事田曰長村曰大石頭曰者保白紅卜苴曰  
普隆曰披沙曰鹽井衛前所曰後所曰上撒路曰中撒路  
曰下撒路曰崇路各謨寨曰作路生納寨曰上勒凹曰下  
勒凹曰瓦述更平曰瓦述墨科曰霍爾孔撒科則曰蘇述  
曰霍耳圖根滿牒曰籠壩曰雜谷馬竹卡曰瓦述色他曰  
上郭羅克曰下郭羅克曰上阿樹曰下阿樹曰小阿樹曰  
鵲箇寨曰雲多曰儀蓋曰麻林曰瓦述毛茂了曰上臨卡  
石曰下臨卡石曰岡裏曰桑隆曰上蘇阿曰下蘇阿曰郭  
布曰桑阿籠百戶各一人曰三舍羊峒曰瓦述更平東撒  
曰雜竹卡曰東署曰革齋曰下革齋曰黎州大田百戶各



二人曰上納奪黎窩百戶三人曰上革齋百戶四人  
廣西土知州二十六人土州同一人土州判一人土知縣四人  
土巡檢十二人長官二人副長官一人

廣西土州知州二十六人曰南丹州那地州田州歸德州  
果化州忠州萬承州全茗州憑祥州下石西州太平州安  
平州茗盈州結安州侏倫州龍英州都結州鎮遠州江州  
思州上下凍州下雷州上映州思陵州向武州都康州土  
州同一人曰上蘭州土州判一人曰陽萬州土知縣四人  
曰忻城曰羅陽曰羅白曰上林土巡檢十二人曰上龍司  
曰湖潤寨曰白山司曰興隆司曰那馬司曰定羅司曰舊  
城司曰下旺司曰安定司曰都陽司曰古雲司曰遷隆峒  
長官司二曰永順長官一人副長官一人曰永定長官一  
人

雲南土知府四人土同知一人土通判二人土知事一人土經  
歷一人土知州四人土州同四人土州判二人土縣丞五人土  
主簿二人土巡檢十有九人土典史一人土驛丞三人宣慰使  
一人指揮使二人宣撫使五人副宣撫使二人安撫使三人長  
官三人副長官三人土守備四人土千總二十有八人土把總  
五十有五人

雲南土知府四人曰景東府曰永寧府曰蒙化府曰孟定  
府土同知一人曰廣南府土通判二人曰麗江府曰鶴慶  
府土知事一人曰景東府土經歷一人曰開化府土州知

州四人曰富州曰北勝州曰灣甸州曰鎮康州土州同四  
人曰姚州曰順州曰北勝州曰鎮南州土州判二人曰新  
興州曰鎮南州土縣丞五人曰雲南曰平彝曰新平曰南  
澗曰楚雄土主簿二人曰雲南曰定遠土巡檢十九人曰  
練象關曰南平關曰定西嶺曰青索鼻曰鳳羽鄉曰上江  
砦曰下江砦曰箭杆場曰蒲陀崆曰納更山曰三岔河曰  
保甸曰猛麻曰猛猛曰觀音山曰鎮南關曰阿雄關曰回  
蹬關曰沙矣舊土典史一人曰浪穹土驛丞三人曰板橋  
驛曰在城驛曰觀音山軍民宣慰使司宣慰使一人曰車  
里指揮使二人曰整欠曰孟良宣撫使司宣撫使五人曰  
于崖曰隴川曰南甸曰耿馬曰孟連副宣撫使二人曰蓋

達曰遮放安撫使司安撫使三人曰潞江曰猛卯曰芒市  
長官司長官二人曰戶撒曰腊撒副長官三人曰十二關  
曰那樓茶甸曰虧容甸土守備四人曰儒林等里一人麗  
江府二人迭巴二人土千總二十八人曰儒林等里曰永  
豐等里曰斗門磨沙曰喇博曰猛遮曰普藤曰檜溪阿興  
曰六庫曰老窩曰江邊曰格咱曰泥西曰魯掌登埂曰鎮  
遠各一人曰寶寧縣曰麗江府曰神翁曰奔子欄曰阿墩  
子各二人曰元江府四人土把總五十五人曰納更司曰  
寶寧縣曰永豐等里曰定南等里曰岩旺曰他旦曰老是  
達曰猗那茶山曰猛腊曰易武曰猛阿曰猛籠曰打羅曰  
猛海曰猛混曰頂針曰猛旺曰整董曰猛烏曰耿馬曰洗

馬溪曰槽潤曰臨城曰瀾滄江曰其宗喇普曰奔子欄曰  
阿墩子曰次竹曰古勇曰明光關曰鎮遠曰檄欖壩曰烏  
得各一人曰六困曰大塘關曰威遠各二人曰送賓十六  
人

貴州土同知二人土通判一人土推官一人土吏目一人土縣  
丞五人土主簿二人土巡檢二人長官司長官六十六人副長  
官二十一人

貴州鎮遠府土同知土通判土推官各一人獨山司土同  
知一人重安司土吏目一人安化縣土縣丞土主簿土巡  
檢各一人餘慶縣土縣丞土主簿各一人印江縣甕水司  
草塘司土縣丞各一人盤江司土巡檢一人長官司六十

五曰爛土曰麻嚮曰豐寧上曰豐寧下曰上馬橋曰方番  
曰臥龍番曰小龍番曰金石曰大龍番曰程番曰小程番  
曰羅番曰韋番曰養龍曰大平伐曰小平伐曰新添曰沙  
營曰施溪曰邦水曰樂平曰平定曰楊義曰八舟曰中林  
驗洞曰古州曰新化曰亮寨曰頂營曰蠻夷曰募役曰虎  
墜曰大谷龍曰小谷龍曰羊場曰平伐曰岩門曰宣化曰  
龍里長官各一人曰盧番曰都坪曰都素曰黃道溪長官  
各二人曰木瓜曰底寨曰白納曰都勻曰歐陽曰湖耳曰  
省溪曰烏羅曰邛水十有五洞蠻夷曰提溪曰沿河佑溪  
曰朗溪曰潭溪曰洪州泊裏曰乖西曰平頭著可各長官  
一人副長官一人曰偏橋長官一人左右副長官二人曰

石阡曰新西堡曰康佐副長官各一人思南府隨府屬辦事長官一人

### 歷代建置

謹案三代之時嶺嶠未開而禹貢梁州之域遠界黑水周師伐商庸蜀八國與環甲冑但設官之法其詳已不可聞漢時開蠻夷置官吏而王侯君長率因其故號授之則後世土官昉此矣晉宋梁陳北魏往往有蠻夷刺史唐時羈縻州有都督府有州有縣宋亦有羈縻州縣自都督以下官皆卽以番夷酋長爲之元時蠻夷之地有宣慰司都元帥府有宣慰司軍民萬戶府有宣慰司兼管軍萬戶府有宣撫司有安撫司有招討司有軍民總管府有軍民府有散府有州有縣有長官司萬戶府千戶所百戶所自宣慰司都元帥府宣慰使以下雖亦參用流官然以番夷酋長爲之者實多明因元制而損益之於是有土官之稱我

朝幅員無外聲教遐訖往昔蠻荒之地莫不隸版籍於司徒輸琛賫於外府

國初因前代舊制設立土官蓋以諸夷土俗不同而土官世爲之長習於其風土人情此先王修其教不變其俗齊其政不易其宜之意也其後諸夷向化日多增置益廣其或土官以貪暴褫秩以跳梁干誅亦或有願爲王民納土辭職因而改設流官者亦復不少蓋我

朝土官之設雖沿明制然明時綱紀不振諸土官或魚肉苗民或弁髦王法朝廷姑息成風多置之度外與唐宋羈縻之州無異今各土官畏威懷德奉法維謹自金川蕩平以來安屯置戍永爲樂土又定諸土司輪年入覲之制而優其章服以示懷來此豈前代所可及哉

三代

胡渭禹貢錐指武王伐紂誓于牧野諸侯會師者稱之曰友邦冢君而庸蜀羌髳微盧彭濮八國則稱之曰人不以諸侯待之傳曰八國蠻夷戎狄屬文王者正義曰此皆西南夷也通典曰梁州當夏殷之間爲蠻夷之國所謂巴賓彭濮之人由是觀之殷周之世禹貢梁州之山川無一入職方者大抵如唐宋之羈縻州元明以來之士司簡其政令寬其賦斂以馴擾之使爲不侵不叛之人而已故終殷周之世梁州不復置也

秦

樊綽蠻書秦惠王并巴蜀以巴夷爲蠻夷君尙女

漢

後漢書南蠻列傳長沙武陵蠻秦昭王使白起伐楚畧取蠻夷始置黔中郡漢興改爲武陵歲令大人輸布一匹小口二丈是爲賓布○巴郡南郡蠻秦惠王并巴中以巴氏爲蠻夷君長世尙秦女其民爵比不更劉攽曰巴氏之君可有爵耳民何故輒有之明有罪得以爵除其君長歲出賦二千一十六錢衍民字

三歲一出義賦八百錢其民戶出帙布八丈二尺鷄羽三十鏃漢興南郡太守靳彊請一依秦故事○板楯蠻夷高祖爲漢王發夷人還伐三秦秦地旣定乃遣還巴中復其渠帥羅樸督鄂度夕龔七姓不輸租賦餘戶乃歲入資錢口四十

漢書西南夷列傳建元六年使番陽令唐蒙風曉南粵蒙上書說上通夜郎道爲置吏上許之乃拜蒙中郎將將千人食重萬餘人從巴苻關入見夜郎侯多同諭以威德約爲置吏使其子爲令夜郎旁小邑皆貪漢繒帛聽蒙約還報迺曰爲犍爲郡發巴蜀卒治道自犍道指牂柯江蜀人司馬相如亦言西夷邛苻可置郡使相如曰中郎將往

諭皆如南夷爲置一郡尉十餘縣屬蜀○平南夷爲牂柯郡冉駹皆震恐請臣置吏曰邛都爲越巂郡苻都爲沈黎郡冉駹爲文山郡廣漢西白馬爲武都郡○滇舉國降請置吏入朝於是曰爲益州郡

後漢書百官志四夷國王率眾王歸義侯邑君邑長皆有丞比郡縣

後漢書南蠻西南夷列傳哀牢夷建武二十七年王賢粟等詣越巂太守鄭鴻降請內屬光武以賢粟等爲君長自是歲來朝○平都夷王莽時郡守枚根調邛人長貴爲軍候建武十四年長貴遣使上三年計天子卽授越巂太守印綬○永初二年青衣道夷邑長令田與徼外三種夷舉

土內屬安帝增令田爵號爲奉邑君

魏書氏列傳氏者西夷之別種號曰白馬漢武帝遣中郎將郭昌衛廣滅之以其地爲武都郡

謹案秦漢時開蠻夷皆因其君長以治之而漢爲置太守都尉以統領之徵其賦稅平其爭亂此卽後世土司之所自起也青衣道屬蜀郡而別有夷邑長此卽後世流官土官參治之法也徵賓布出義錢此卽後世土司納貢之法也漢高帝用板楯蠻平三秦後漢熹平時發板楯蠻擊平西南諸夷此卽後世調土兵征討之法也長貴爲越巂太守此卽後世土府土州之制也

三國

二國蜀志馬良列傳先主東征遣良入武陵招納五溪蠻夷蠻夷渠帥皆受印號咸如意指

三國蜀志諸葛亮列傳注漢晉春秋曰亮至南中所在戰捷孟獲者爲夷漢所服募生致之旣得縱使更戰七縱七擒而亮猶遣獲獲止不去曰公天威也南人不復反矣遂至滇池南中平皆卽其渠帥而用之

常璩華陽國志移南中勁卒青羌萬餘家於蜀爲五部所當無前號爲飛軍分其羸弱配大姓焦雍婁爨孟量毛李爲部曲置五部都尉號五子故南人言四姓五子也以夷多剛狠不賓大姓富豪乃勸令出金帛聘策惡夷爲家部曲得多者奕世襲官于是夷人貪貨物以漸服屬於漢成

夷漢部曲亮收其俊傑建寧爨習朱提孟珍及獲為官屬  
習官至領軍珍輔漢將軍獲御史中丞

謹案蜀漢時諸葛亮平南中皆即其渠帥而用之又先  
主時五陵蠻夷受印號正今土司頒給敕印號紙所自  
始也

晉

四川通志晉用興古爨深作本郡太守  
華陽國志武都王楊茂搜奉貢稱臣

宋書氏胡列傳畧陽清水氏楊毅稱藩于晉以毅為征南  
將軍三年毅族兄初襲殺毅並有其眾穆帝以初為使持  
節征南將軍雍州刺史平羌校尉仇池公初子國為鎮東

將軍武都太守

謹案晉武帝置南蠻校尉於襄陽西戎校尉於雍州南  
夷校尉於寧州江左改置南蠻校尉於江陵及安帝又  
置寧蠻校尉於襄陽皆所以統領羌蠻晉初氏叟有侯  
王見於李特載記雖永嘉後氏羌少與王會然畧陽楊  
氏恆受封爵蜀自永康後為李氏割據而寧州尚為晉  
土蜀亦至永和復平西南夷君長必多有授王官者而  
史文不著至南蠻寧蠻二校尉所領為荆湘雍郢司諸  
州之蠻自晉以後南朝宋齊及梁北朝魏周諸蠻酋往  
往授刺史太守云

宋齊梁陳



南史夷貊列傳武興國本仇池楊難當自立為秦王宋文帝遣裴方明討之難當奔魏其兄子文德又聚眾葭蘆宋因授以爵位○齊永明中魏南涼州刺史仇池公楊靈珍歸齊齊武帝以為北梁州刺史仇池公○荆雍州蠻盤瓠之後也種落布在諸郡宋時因晉於荊州置南蠻雍州置寧蠻校尉以領之孝武初罷南蠻併大府而寧蠻如故蠻之附順者一戶輸穀數斛其餘無雜調○豫州蠻廩君後也明帝初即位四方反叛及南賊敗于鵠尾西陽蠻田益之田義之田光興等起義攻郢州克之以益之為輔國將軍都統四山軍事又以蠻戶立宋安光城二郡以義之為宋安太守光興為光城太守

南齊書蠻列傳蠻種類繁多言語不一咸依山谷布荆湘雍郢司五州界宋世封西陽蠻梅蟲生為高山侯田治生為威山侯梅加羊為扞山侯太祖即位有司奏蠻封應在解例詔特畱以治生為輔國將軍虎賁中郎轉建寧郡太守將軍侯如故永明六年除督護北遂安左郡太守田駟路為試守北遂安左郡太守前寧朔將軍田驢王為試守新平左郡太守皆郢州蠻也

唐書南蠻列傳南平獠有寧氏世為南平渠帥陳末以其帥猛力為寧趙太守

冊府元龜宋高祖永初三年封仇池公楊威為武都王○文帝元嘉二年十一月以武都王世子楊元為秦州刺史

襲封武都王○七年以仇池氏冠軍將軍楊難當爲北秦州刺史封武都王○明帝泰始四年五月以仇池氏寧朔將軍武都王楊文度爲北秦州刺史○順帝昇明元年十二月寧朔將軍北秦州刺史武都王楊文度進號征西將軍○二年六月以輔國將軍楊文宏爲北秦州刺史封武都王○南齊太祖建元二年以氏楊後起爲秦州刺史○武帝永平元年又進秦州刺史楊後起號冠軍將軍○四年楊後起卒詔以輔國將軍北秦州刺史武都王楊集始爲持節輔國將軍北秦州刺史平羌校尉武都王○明帝建武二年七月以氏楊馥之爲北秦州刺史仇池公  
謹案南史載南蠻事於宋齊以後不詳以北史及魏書

考之齊有直閣將軍田益宗梁有沔東太守田清喜永安太守文雲生龍驤將軍樊石廉義州刺史文僧明鐵騎將軍邊城太守田官德定州刺史田超秀若西南夷則惟陳時猛力爲寧趙太守見於唐書而他亦無聞焉  
蓋由紀載之畧耳

北魏

魏書蠻列傳泰常八年蠻王梅安率渠帥數千朝京師求留質子以表忠款始光中拜安侍子豹爲安遠將軍江州刺史興光中蠻王文武龍請降詔拜南雍州刺史延興中大陽蠻酋桓誕遣使內屬高祖嘉之拜誕征南將軍東荊州刺史聽自選郡縣獠列傳宣武後朝廷以梁益二州控

攝險遠乃立巴州以統諸獠後以巴酋嚴始欣爲刺史又立隆城鎮所縮獠二十萬戶彼謂北獠歲輸租布又與外人交通貿易巴州生獠並皆不順諸頭王每於時節謁見刺史而已

冊府元龜西魏恭帝二年蠻酋宜人王母田興彥欸附以爲開府儀同三司

北齊未置

後周

周書異域列傳大統五年蔡陽蠻王魯起明內屬以爲南雍州刺史仍世襲焉十一年蠻酋梅勒特來貢其方物其後蠻帥杜清和自稱巴州刺史以州入附朝廷因其所稱

而授之氏列傳楊法深與其種人楊崇集楊陳倅各擁其眾遞相攻討趙昶時督成武沙三州諸軍事成州刺史遣使和解之法深等從命乃分其部落更置他郡以處之

馬端臨文獻通考黔州古蠻夷之國通謂之五溪後周武帝時蠻帥以其地歸附遂置奉州後改爲黔州

隋

隋書史萬歲列傳南寧夷爨翫來降拜昆州刺史

唐書南蠻列傳西爨白蠻隋開皇中遣使朝貢命韋世沖以兵戍之置恭州協州昆州○南平渠帥猛力死子長眞襲刺史隋討林邑長眞出兵攻其後又率部落數千從征遼陽煬帝召爲鴻臚卿授安撫大使遣還又以其族人寧

宣爲合浦太守

冊府元龜隋開皇五年党項拓拔寧叢等各率所部詣旭川內附授大將軍其部下各有差

唐

新唐書西域列傳党項漢西羌別種其地吉析支也拓拔赤辭內附以其地爲懿嵯麟可三十二州以松州爲都督府擢赤辭西戎州都督貢職遂不絕又有白蘭羌吐蕃謂之丁零武德六年使者入朝明年以其地爲維恭二州永徽時特浪生羌卜樓大首領凍就率眾來屬以其地爲劍州白蘭春桑及白狗羌天授中內附以其地爲朝吳浮歸十州上元二年歸順乾封歸義順化和寧和義保善寧定

羅定朝鳳凡十州部落納欵丐節印詔可

唐書南蠻列傳兩爨蠻貞觀三十三年內屬以其地爲傍望覽邱求五州貞元中置都督府領羈縻州十八○咸亨三年昆明十四姓率戶二萬內附析其地爲殷州總州放州以安輯之其後又置盤麻等四十一州皆以首領爲刺史西爨之南有東謝蠻貞觀二年其酋元深入朝以地爲應州卽拜元深刺史又有南謝首領謝疆亦來朝以其地爲莊州授疆刺史東謝西有西趙蠻貞觀中首領趙酉摩率所部萬餘戶來附以其地爲明州授酉摩刺史松外蠻尙數十百部凡數十姓貞觀中松外蠻叛左武侯將軍梁建方進討諭降者七十餘部戶十萬九千署首領蒙和爲

縣令二十二年西洱河大首領楊同外東洱河大首領楊  
歛松外首領蒙羽皆入朝受官秩黎州領羈縻奉上等州  
二十六開元十七年又領羈縻夏梁卜貴等州三十一雅  
州西有通吐蕃道三日夏陽日夔松日始陽皆諸蠻錯居  
凡部落四十六皆羈縻州也以首領襲刺史

**蠻書**浪穹詔主豐時卒子羅鐸立羅鐸卒子鐸羅望立爲  
浪穹州刺史○蒙舍詔主遷盛炎開元初卒其子盛邏皮  
立朝廷授特進臺登郡王知沙壺州刺史長男閣羅鳳授  
特進兼楊瓜州刺史次男成節度蒙舍州刺史次男崇江  
東刺史次男成進雙祝州刺史初炎閣未有子養閣羅鳳  
爲子閣羅鳳復歸蒙畔故名承炎閣後亦不改天寶四載

閣羅鳳長男鳳伽異入朝宿衛授鴻臚少卿七載蒙歸義  
卒

案唐書蒙歸義卽皮  
羅閣乃唐所賜名也

異大卿兼楊瓜州刺史○初爨歸王爲南寧州都督理石  
城歸王凡兄子崇道陰害歸王雲南王歸義抗疏奏聞其  
子守偶遂代歸王爲南寧州都督○獨錦蠻烏蠻苗裔也  
在秦藏南去南寧兩日程天寶中爲蹄州刺史○弄棟蠻  
則白蠻苗裔也本姚州弄棟縣部落其地舊爲哀州嘗有  
部落首領爲刺史

**武經總要**保州雪山郡本維州定廉縣南至吐蕃爲夷落  
之極塞唐開元以來董氏世襲刺史霸州靜戎郡唐天寶  
中招慰生羌置郡亦許世襲○烏蠻姚州戎瀘州界唐武

德後開拓山洞置四十八州安輯夷獠迄今許世襲○羈縻州西南漢牂柯郡地唐置費玲莊珍播郎牂夷等諸州今謂之黔內者六羈縻者十皆以黔州控扼之其領郡者或以土豪或補以牙職而一方恬然此本朝規制之得也

樂史太平寰宇記党項唐貞觀五年詔遣使開其河曲地爲六十州內附者三十萬口有羌酋拓拔亦詞者世爲渾主伏乞所暱與之結婚屢抗官軍後與其從孫子頭並率服與諸首領歸欵列其地爲懿嵯麟可等三十二州以松州爲都督府羈縻存撫之拜亦詞爲西戎州都督又有白狗春桑白蘭等諸羌自龍朔以後並爲吐蕃所破而服屬焉在西北邊者天授三年內附凡二十萬口分其地置朝

吳浮歸等一十一州仍散拘靈下界內自至德以後常爲吐蕃所誘密以官誥授之以爲之偵導故時或侵叛尋亦底定迨至寶應初其首領來助國共靈州軍食優詔獎美其在涇龍州者後上元元年率其眾十餘萬人詣鳳翔節度使崔光遠乞降寶應元年十二月歸順州部落乾封州部落歸義州部落順化州部落和寧州部落和義州部落保善州部落寧定州部落羅雲州部落朝鳳州部落並詣山南西道都防禦使梁州刺史臧希讓請州印希讓奏聞制旨允許之

文獻通考松州廣德元年沒吐蕃其後松當悉靜柝恭保具霸乾翼維等爲行州以部落首領世爲刺史司馬

職官表卷七十二  
謹案唐開羌蠻置羈縻州縣卽授其酋長爲刺史縣令  
卽今土司之職也

五季

宋史外國列傳吐蕃唐末衰弱部族分散天成中權知西涼府留後孫超遣大將拓跋承誨來貢卽授超涼州刺史充河西軍節度留後乾佑初超卒州人推其土人折逋嘉施權知留後遣使來貢卽以嘉施代超爲留後蠻夷列傳唐天成二年牂柯清州刺史宋朝化等一百五十人來朝

宋

宋史外國列傳党項五代嘗入貢建隆三年代州刺史折也埋來朝雍熙二年七月賜宥州界咩兀十族首領都指揮使遇也布等九人敕書以安撫之淳化五年兀泥族首領黃羅內附以爲懷化將軍昭州刺史至道元年四月勒浪大首領馬尾等內附以爲歸德大將軍領息州刺史首領沒崖爲安化郎將副首領兀遇爲保順郎將咸平二年五月以咩通族開道使泥埋領費州刺史以勒浪族大首領馬泥領本州團練使五年咩逋族泥埋遣子城逋入貢上嘉泥埋數與繼遷戰鬪有勞授錦州團練使以其族弟屈子爲懷化將軍充本族指揮使城逋爲歸德將軍充本族都巡檢使餘首領署軍主以下名職者凡十數人六年三月環州酋長蘇尙娘擊賊有勞以爲臨州刺史七年涇原鈐轄曹瑋請署熟羌百帳以上大首領爲大族軍主次

指揮使又次副指揮使百帳而下爲本族指揮使從之○  
吐蕃咸平元年河西軍左廂副使歸德將軍折逋遊龍鉢  
來朝獻馬二千匹詔以龍鉢爲安遠大將軍二年以儀州  
延蒙八部都首領渴哥領化州刺史四年知鎮戎事李繼  
和言西涼州六谷都首領潘羅支願戮力討繼遷請授以  
刺史以爲鹽州防禦使兼靈州四面都巡檢使又以龍鉢  
領宥州刺史六族首領褚下箕等三人爲懷化郎將○唃  
廝囉大中祥符九年數使人至秦州求內屬明道初卽授  
廝囉寧遠大將軍受州團練使

宋史蠻夷列傳西南諸蠻夷重山複嶺雜廁荆楚巴黔巫  
中隋置辰州唐置錦州獎州溪州巫州敘州皆其地也唐  
季之亂蠻酋分據其地自署爲刺史馬希範據有湖南蠻  
獠保聚依山阻江殆十餘萬太祖旣下荆湖建隆四年知  
溪州彭元林前溪州刺史田洪贊等列狀歸順詔以元林  
爲溪州刺史洪贊爲萬州刺史乾德三年七月珍州刺史  
田景千內附十二月詔溪州宜充五溪團練使刻印以賜  
之壯江蠻酋最大者曰彭氏有二十州皆置刺史而以下  
溪州刺史兼都誓主十九州皆隸焉謂之誓下州州將承  
襲都誓主率羣酋合議子孫若弟姪親黨之當立者具州  
名移辰州爲保證申鈐轄司以聞乃賜敕告印符熙寧中  
南江之舒氏北江之彭氏梅山之蘇氏誠州之楊氏相繼  
納土創立城砦使之比內地爲王民南江諸蠻自辰州達



于長沙邵陽各有溪峒曰敘曰峽曰中勝曰元則舒氏居之曰樊曰錦曰懿曰晃則田氏居之曰富曰鶴曰保順曰天賜曰古則向氏居之皆受朝命○梅山峒蠻舊不與中國通其地東接潭南接邵其西則辰其北則鼎澧熙寧五年詔招納之大田諸蠻納款于是遂檄諭開梅山蠻獠爭闢道路以待得其地置新化縣并二州隸邵州○誠徽州唐溪峒州宋初楊氏居之號十峒首領以其族姓散掌州峒太平興國四年首領楊蘊始來內附八年楊通寶始入貢命爲誠州刺史○南丹州蠻亦溪峒之種開寶七年奉表求內附九年復來貢求賜牌印詔刻以給之紹興二十四年廣西經畧安撫使呂愿中諭降諸蠻三十一種得地

二十七縣一百三十五峒四十峒一百七十九及一鎮二十二團皆爲羈縻州縣○撫水州在宜州南有縣四曰撫水曰京水曰多建曰古勞唐隸黔南其酋長皆蒙姓大中祥符九年曹克明爲宜融等州都巡檢安撫使擊破之詔以撫水州爲安化州撫水縣爲歸仁縣京水縣爲長寧縣自是閒歲朝貢不復爲邊患○環州蠻區氏州隸宜州羈縻領思恩都亭二縣鎮寧州亦隸宜氏○西南諸夷漢牂柯郡地宋以來有龍蕃方蕃張蕃石蕃羅蕃號五姓蕃皆常奉職貢受爵命○南廣蠻在敘州慶符縣以西爲州十有四大觀三年有夷酋羅永順楊元榮李世恭等各以其地內屬詔建滋純祥三州後皆廢○威州保霸蠻者唐保

取官表卷七十二  
霸二州也政和中開拓置官吏以保州地爲祺州霸州地  
爲亨州後皆爲砦○茂州諸部落蠻自推一人爲州將治  
其眾而常詣茂州受約束政和五年以其地內屬詔建壽  
建寧軍未幾皆廢○渝州蠻者唐南平獠也大觀二年內  
屬詔建榛潘二州後皆廢○清水蠻者羈縻五十州岡蠻  
也雜種夷獠散居溪谷中慶厯初烏蠻王子得益居其地  
願得州名以長夷落詔建姚州以得益爲刺史鑄印賜之  
武經總要烏蠻本朝慶厯中烏蠻王得益自言十年彈壓  
人不入漢界爲過因乞州名符印卽詔名姚州卽雲南國  
之地也○咸平中轉運使丁謂招撫蠻人每有城諭並令  
歃血爲盟置鐵柱以誌其事條制甚多蠻酋三十人悉補

砦將○西高州舊名珍州蠻酋田氏世襲乾德中改今名  
○富州蠻酋向氏世襲刺史天禧初向通漢來朝官至五  
溪十洞都防禦使

王偁東都事畧咸平四年西涼府六谷都首領潘羅支願  
戮力討繼遷張齊賢請封羅支爲六谷王兼招討使眞宗  
曰羅支已爲酋帥欲授以刺史則太輕況未領節制加以  
王爵非順也又招討使號不可假外夷乃以爲鹽州防禁  
使兼靈州西面都巡檢○唃廝囉三子皆被恩命曰瞎斡  
曰磨瓘曰董瓘爲唃廝囉嗣瞎斡子瞎欺丁木征爲瞎藥  
鷄羅所誘據近塞青唐族立文法朝廷以爲河州刺史熙  
寧中王韶經營熙河木征降賜姓名曰趙思忠授榮州團

練使遷合州防禁使董璿遣使來以爲河州刺史明年拜河西軍節度使封武威郡王以其養子阿里骨爲肅州團練使董璿卒阿里骨爲河西軍節度使西蕃邈川首領阿里骨卒子瞎征承襲國人迎董璿妹溪巴溫欲復其國姓巴溪溫之子隴拶稱王子朝廷以重兵臨之隴拶出降徽宗卽位以隴拶爲河西軍節度使知府州折氏世襲鄯州瞎征授懷遠軍節度使賜隴拶姓名曰趙懷德建中靖國元年以懷德知湟州自鄯湟棄羌人迎隴拶之弟溪賒羅撒復國授西平軍節度使西蕃邈川首領

沈括夢溪筆談唃廝囉死子董璿立朝廷復授以爵命

王圻續文獻通考初西蕃旣衰其苗裔曰董璿其子曰巴

璿角始附宋賜姓趙名忠順子永吉永吉子世昌皆受宋官爲左武大夫遙領來州防禦使襲把羊族長

文獻通考楊正巖以十洞稱徽誠二州宋熙寧九年十洞酋長楊通蘊送欵內附楊通寶來貢朝廷以通寶爲誠州刺史其子璵復爲誠州刺史○思州宋初爲羈縻州大觀元年蕃部長田祐恭願爲王民始建州○徽宗時大駱解上下族帥駱世華駱文貴獻其地立珍州○播州宋大觀二年南平夷人楊友貴等獻其地建爲州○夷州宋爲羈縻州大觀三年酋長獻其地建爲承州

范成大桂海虞衡志儂智高反朝廷討平之因其疆域參唐制分析其種落大者爲州小者爲縣又小者爲洞凡五

十餘所推其長雄者首領有知州權州監州知縣知洞皆命于安撫若監司給文帖未記其次有同發遣權發遣之屬謂之官典各命於其州每州團又推一人爲長謂之主戶餘民皆稱提陀猶言百姓也

謹案宋史所載蠻夷有黎峒有黎州諸蠻黎峒爲今廣東瓊州之地現無土司而黎州諸蠻十二種在宋時或本未受朝命或但因其至中國朝貢而爵之未嘗設有定職亦與今土司不同今並不載云

遼未置

金未置

元

元史百官志宣慰司掌軍民之務分道以總郡縣行省有政令則布于下郡縣有請則達于省有邊郵軍旅之事則兼都元帥府其次則止爲元帥府其在遠服則又有招討安撫宣撫等使司秩如下州達嚕噶齊長官副長官參用其土人爲之

元史世祖本紀至元十四年閏月羅氏鬼國王阿榨西南蕃王韋昌盛並內附詔阿榨昌盛各爲其地安撫使佩虎符二十七年九月金竹府知府掃閭貢馬及雨壇具言金竹府雖內附蠻民多未服近與趙堅招降三十餘寨乞立縣設長官總把參用土人從之二十九年以行播州軍民宣撫使楊漢英爲紹慶珍州南平等處沿邊宣慰使行播

州軍民宣撫使播州等處管軍萬戶府仍佩虎符成宗本紀元貞二年十一月以蠻洞將領彭安國父子討田知州有功賜安國金符子爲蠻夷官大德元年六月平伐九寨來降立長官司武宗本紀至大三年四川行省紹慶路所隸蠻田墨施什用來降立黃沙寨以田墨施什用爲千戶雲南威楚路之蒲蠻猛吾來朝貢願入銀爲歲賦詔爲置散府一及土司三十三所皆賜金銀符順帝本紀元統二年四川大盤洞蠻謀谷什用遣其男謀者什用來貢方物卽其地立盤順府命謀谷什用爲知府

謹案明時土官曰宣慰司曰宣撫司曰安撫司曰招討司曰長官司皆沿元時之制也然元時宣慰使內地邊地皆設之其設于邊陲者則曰宣慰司都元帥府或曰宣慰司兼管軍萬戶府與宣撫安撫招討使長官皆參用流官土官而百官志無明文今兼採元史本紀中設立土官之事可與志相證者以見一代之制焉

明

明史職官志土官宣慰司宣慰使一人從三品同知一人正四品副使一人從四品僉事一人正五品經歷司經歷一人從七品都司一人正八品○宣撫司宣撫使一人從四品同知一人正五品副使一人從五品僉事一人正六品經歷司經歷一人從八品知事一人正九品○安撫司安撫使一人從五品同知一人正六品副使一人從六品僉事一人正七品其屬吏目一人從九品○

招討司招討使一人從五品副招討一人正六品其屬吏目一

人從九品○長官司長官一人正六品副長官一人從七品其屬

吏目一人未入流蠻夷長官司長官副長官各一人品同上又

有蠻夷官苗民官及千夫長等官○軍民府土州土縣設

官如府州縣洪武七年西南諸蠻夷朝貢多因元官授之

稍與約束定征徭之法漸為宣慰司者十一為招討司者

一為宣撫司者十為安撫司者十九為長官司者百七十

有三其府州縣正貳屬官或土或流大率宣慰等司經歷皆流官府州縣佐貳

多流官皆因其俗使其附輯諸夷謹守疆土修職貢供征調

無相攜貳有相讐者疏上聽命于天子又有番夷都指揮

使司三衛指揮使司三百八十五宣慰司三招討司六萬

戶府四千戶所四十一站七地面七寨一並以附地寨番

夷官其地焉

明會典四川等處承宣布政使司軍民府四宣撫司一宣

慰司一安撫司三長官司十六○廣西等處承宣布政使

司土官知府二土官知州三十六土官知縣六軍民府一

長官司四○雲南等處承宣布政使司土府知府七土州

知州九土縣知縣一軍民府土官知府二宣慰司七宣撫

司三長官司二十七○貴州等處承宣布政使司宣慰司

一安撫司二長官司七十五

謹案明代土官設有定職與兩漢蠻夷君長唐宋羈縻

州縣微有不同而亦參用流官今以會典所載參考明

史及各省通志四川軍民府四皆土官世襲也廣西土府二土州三十六雲南土官知府七土官知州九土縣一軍民府土知府二惟貴州府州縣皆流官而同知通判州判縣丞之類多以土官為之也

明史西域列傳西番即西羌元封駙馬章庫滿洲語長把刀也原作章

古今改正為寧濮郡王鎮西寧於河州設吐番宣慰司以洮岷

黎雅諸州隸之統治蕃眾洪武二年太祖定陝西即遣官

齋詔招諭明年五月吐蕃宣慰使司索諾木諾爾布唐古特語

索諾木福也諾爾布財也原作鎖南普今改正等以元所授金銀牌印宣敕來上

會鄧愈克河州遂詣軍前降其鎮西武靖王布達拉蒙古語普陀山也原作卜

亦以吐蕃諸部來納款冬索諾木諾爾布

等入朝四年正月設河州衛命為指揮同知予世襲知院

多爾濟唐古特語金剛也原作朵兒只今改正汪家努原作汪家奴今據字面改正並為

指揮僉事設千戶所八百戶所七皆命其酋長為之布達

拉亦至京師為靖南衛指揮同知其儕桑節唐古特語佛也原作桑加

今改正多爾濟為高昌衛謹案地理志及會典並無高昌衛疑係永昌衛之誤指揮同

知皆帶刀侍衛自是蕃酋日至尋以降人馬梅汪威喇蒙古語威喇近也原

作瓦兒今改正並為河州衛指揮僉事又遣西寧州同知

李南格原作南哥今據字面改正等招撫其酋長至者亦悉授官乃改

西寧州為衛以南格為指揮

謹案明史以諸蠻夷屬于布政司都指揮者為土司傳

而西番諸衛及四川徼外自長河西魚通寧遠以西訖

於朶甘西藏則列為西域傳蓋以其雖受朝命僅予羈縻不可悉以內地郡縣之法治之也然西番諸衛如河州衛則屬於陝西都司永昌衛西寧衛則屬於陝西行都司是亦與內地各衛無異而西番之烏思藏朶甘董卜韓胡之屬則別自為司非各省都司行都司所領是其地固有遠近之殊而其治之亦有詳畧之異矣今則甘肅土官指揮使以下暨青海西藏之千戶百戶百長統於甘省董卜韓胡明正各土司統于川省內外綱維遐邇壹體蓋

盛德所播無遠弗届往古羈縻之地受爵納賦無異甸服洵萬世隆平之極軌矣

欽定歷代職官表卷七十二

南海羅崇齡初校  
益陽蔡芳覆校  
番禺陶福祥再覆校



